

TIISO EA BOBELI



Malume mantsiboea ana, metsoalle. Ha re emeng bohle nakoana bakeng sa thapelo, ha le rata.

² Ntata rōna oa Lehlimō, re boetse re bokane phuthehong e mahlonoko ena, bosiuong bona, tšebeletsong ea Morena. 'Me U re tšepisitse ha thoe hohle moo re tla kopana, babeli kapa ba bararō, U tla ba hara rōna. 'Me re ka kholiseha hore U teng mona, kaha re phuthehile ka Lebitso la Hae.

³ Joale rea rapela, Ntate, hore—hore U tle bosiuong bona ho re manollela ena Tiiso ea Bobeli. 'Me ho joaloka ha e—e seroki se buile, o rata ho nyarela mose ho lesira la nako. 'Me ke takatso ea rōna, Morena, ke feela—feela ho nyarela le ho bona se larileng kapele. 'Me re rapela Konyana e hlabiloeng, ho kena hara rōna joale le ho re manollela Tiiso, le—le ho re senolela Eona, lintho tseo re hlokang ho li bona.

⁴ Ba bang ba teng mona, Morena, ba eso kene setsoalleng se seholo sena ho teela Krete hare. Rea rapela, bosiuong bona, ba ba etse qeto eo ea Bosafeleng, ho tlatsoa ka Moea oa Molimo.

⁵ Ba kulang ha ba le teng, Ntate, re U rapela ho ba folisa. Mona matsohong a ka ho robetse lisakatuku tse ngata, e le sehopotso sa eona—sa eona Bibehe, sa Santa Pauluse, ba ile ba nka lisakatuku le liaprone tse amileng 'mele oa hae. Eaba meea e sa hloekang e tsoa bathong, 'me ba fola.

⁶ Re bona ho Khutla ha Morena ho le haufi. Rea tseba nako e a atamela. Lintho tsena li khutletse Kerekeng, ka mora lilemo tse sekete le makholo a robong.

⁷ Joale rea rapela, Ntate, hore U abe lintho tsena tseo re li kopang. Natlafatsa mohlanka oa Hao, thusa bahlanka ba Hao hohle, Morena, haholo rōna ba phuthehileng mona bosiuong bona, re tle re tsebe ho amohela Lentsoe. Re kopa ka Lebitso la Jesu. Amen.

⁸ Ehlile ho monate ho khutlela tlung ea Morena hape bosiuong bona. 'Me ke tseba bongata ba lōna le eme, ke—ke masoabi ke hona, empa ho batla re sitoa ho etsa letho. Re—re na le e—e kereke feela...e atosositsoe ho hlahlela a mararō kapa a mane, ho hlahlela makholo a mararō kapa makholo a mane. Empa litšebeletsong tse ikhethang tjena, e—e jara letšoele le feta-fetang.

⁹ Joale, oh, ke hlile ke nyakaletse, thapelong, ke ntse ke fata tsona—tsona Litiiso tsena. Kea tšepa le lōna, le joalo. [Phutheho e re, "Amen."—Mong.] Kea—kea kholoa le joalo. 'Me haeba E le bohlokoa ho lōna hakaale kaha E le bohlokoa ho 'na, ehlile ke...le hlile le nyakaletse. 'Me ke tšoare e... .

¹⁰ Ke batla ho letsetsa motsoalle oa ka oa ngoanana, ka mora tšebeletso. 'Me lena ke letsatsi la hae la tsoalo. Lilemo tsa hae li leshome le metso e 'meli kajeno, Sarah, morali oa ka. 'Me ea latelang, hape, letsatsi ka mora hosane, ke tlameha ho letsa hape, kaha e le letsatsi la tsoalo ea Becky.

¹¹ 'Me joale, bosiuang bona, re hlahloba Tiiso ena ea Bobeli. 'Me Litiiso tsa pele tse 'ne ke bakalli ba lipere tse 'ne. 'Me kea le bolella, kajeno ho hlahile ntho e 'ngoe hape. 'Me, ke—ke, ntho eo ke... Ke ile ka tloha ka lata mongolo oa khale, oo nkileng ka bua ka ona, khale koana, le ho lula fatše mono. 'Me ka nahana, "Be, ke—ke entse ka bokhoni ba ka bohle." 'Me bangoli ba bangata le lintho, ka nahana, "Be, ke tla bala nakoana, ke shebe ke bone *sena* le *sane*." 'Me ntho ea pele lea tseba, ntho e ea etsahala feela, 'me e fapane ka botlalo. E tlile e fapane feela. Eaba ke phamola pene ka ngola ka potlako, ka qala ka ngola ka potlako e ka etsoang, A sa leng teng mono.

¹² Oh, e etsahetse mohlomong halofo ea hora e fetileng. Ke ne ke bolella Moena Woods, ha ke theoha, metsotso e 'maloa feela e fetileng. Ntho e itseng feela, lea tseba. Lea tseba, ho etsahala lintho tse ngata, tseo u ke keng ua li bua, lea tseba. Empa ke ntho e hlahileng 'me e nthusitse haholo.

¹³ Motsoalle oa ka o teng mona ka mohahong. Ehlile, bohle le metsoalle ea ka. Enoa—enoa ke Moena Lee Vayle. Ke moena ea khabane, ebile ke moithuti ea hloahloa oa Lengolo. Ngk. Vayle ke Mobaptise ea nang le Moea o Halalelang. 'Me ke... Ha ke e bue ho thoholetsa, ke e bua hobane ke e lumela. Ke lumela e le e mong oa baithuti ba tšekisitsoeng bao ke ba tsebang, liemong tsa rōna. 'Me mona o 'ngoletse nthoana, e tlileng le Billy. 'Me Billy a batla a sa khone ho e ntlhalosetsa, eona. 'Me kea kholoa... Ha ke eso e bale, mona ke mpa ke tla bua seo a se buileng. 'Me ke sa tsoa e bala, Moena Vayle, haeba u le teng mona. Ke e balile likhoeli tse batlileng ho ba tšelela tse fetileng.

¹⁴ "Ha kea tiea," o itsalo. "Moena Bill, ha kea tiea, empa ke kholoa Polycarp e be e le morutoana oa Santa Johanne." Ke hantle. E ne e le eèna. "Ke kholoa Irenease e ne e le morutoana oa—oa Polycarp." Ke hantle, ka nèpahalo. "Irenease o itse, 'Jesu o tla khutla—o tla khutla mohla ho kenang setho sa ho qetela sa 'Mele oa Kreste."

¹⁵ Eo e ne e le Irenease, lilemo tse batlileng ho ba makholo a mane mono...ka mora lefu la Kreste. O itse, "Etlare ha mongoaha ona oa ho qetela o kena..." Joale, mono ke—ke ho Pre-Nicaea Council. Lōna mathaka mona, lōna ba balileng e—e...ba hlahlobang Lengolo, 'me le hlahloba e...Ke bolela, le hlahloba nalane ea Bibebe, le e fumana ho pre...ho Pre-Nicaea Council. 'Me kea kholoa ke buka ea pele kapa buka ea bobeli, moo le—le tlang ho e fumana teng. 'Me joale, o e bone, lilemong tse fetileng, o itse, "Mohla oa ho qetela, mokhethoa oa ho qetela—qetela, mokhethoa eo."

16 Batho ba hopola khetho e le ntho e sa tsoa—e sa tsoa qhotsoa holimo mohla monene mona. Khele! Ke e 'ngoe ea lithuto tsa khaleng tseo re li fumanang: khetho le pitso. 'Me ka lebaka leo, Irenease, ruri, baithuti ba tšekehileng ba Lengolo, haesale ba lumela khetho.

17 'Me Irenease e be e le e mong oa—oa mangeloi a mongoaha oa kereke, ka chebo ea rōna, ka hlahlobo ea rōna. Rea lumela. Hobane, joale, tsohle e ne e le liphiri. Lintho tsohle tse leng teng mona, hantle, li patiloe kahara Litiiso tsena, lea bona. 'Me li tla senoloa letsatsing la ho qetela. Kamoo li qalileng ka Pauluse, le—le Irenease, le Martin, le ba joalo, ho theoha, 'me li theohetse mongoaheng oa ho qetela.

18 'Me, joale, joale re tšepile Morena a tla hlohonolofatsa maitekong a rōna bosiueng bona. Joale haesale re . . . Tiiso ea Pele, ke hlile ka e thabela. Tiiso ea Pele, mahlohonolo a neng a E teetse hare, ho 'na!

19 'Me joale ha ke—ke batle ho le tšoarella halelele. Empa, lea bona, ke—ke tla boela ke tsamaea, masiueng a 'maloa, le ka morao ho sena. 'Me re tlameha ho mamella nakoana. 'Me ke ananela . . .

20 Ke bona Moena Junior Jackson a eme mono. Ke . . . 'Me ke itse ke bone Moena Ruddell, nakoana e fetileng, mona nqa e 'ngoe. 'Me baena bao, ke likereke tse ntšitsoeng e leng likhahitseli tsa rōna, le tse ling. Ruri hlile rea e ananela. 'Me ke bona Moena Hooper, kea kholoa, o eme pela lebotane, ho tsoa Utica, kereke e holimo mono. 'Me ruri re ananela tšebelisanano ea lōna e khabane lebakeng lena.

21 Joale, mantsiboea a fetileng, joaloka ha re etsa kamehla, thutong ea—thutong ea Litiiso, re e ruta e tšoana le ea—le ea—ea mengoaha ea kereke. 'Me eareha re qeta thuto ea mongoaha oa kereke, khetlo la ho qetela ha ke li taka kante mona holima e—holima sefala, holima letlapa, ba bakae ba hopolang se hlahileng? Eaba O theoha hantle, ho khutlela leboteng, ka Leseli, ho e taka, ka seqo sa Hae, hantle mono holima lebotane, pela rōna kaofela. Lengeloi la Morena la ema hantle mona ka pela makholo a 'maloa a batho.

22 'Me joale O—O hlile o etsa mohlolo o moholo joale, hape, 'me re lebeletse lintho tse khōlō. Ha re tsebe . . . Le rata ho shebella e—e tebello e khōlō eo, ha re tsebe se tla etsoa khetlo le latelang, lea tseba, feela—feela ho shebella. Joale, Molimo o moholo hakakang ho rōna, 'me ho babatseha hakakang! Re hlile rea Mo ananela!

23 Joale, temana ea 1 le ea 2, ke tla E bala, e le ho haha motheo. 'Me re ntano nka temana ea 3 le ea 4, bakeng sa Tiiso ea Bobeli. 'Me temana ea 5 le ea 6 ke Tiiso ea Borarō. 'Me temana ea 7 le ea 8 ke . . . Litemana tse peli li lebahana le

mokalli oa pere. 'Me joale ke batla le shebe kamoo mathaka ana... Mabapi le pere e tšehla ena, mohlomong... Ke ena e hlaha, e lula e fetoha ha e ntse e theoha.

²⁴ 'Me e nto ba nthohali eo, pulo ea Tiiso ea ho qetela, ha Molimo o ratile, bosiu ba Sontaha se hlahlamang! Ntho eo, eitseha e etsahala, ho hlhile feela, ntho feela e hlhileng, "ha khutsa Leholimōng halofo ea hora." Molimo a re thuse.

²⁵ Joale ke tla bala temana ea 3 joale.

Eitse hobane e manolle tiiso ea bobeli, ka utloa sebopuo a se phelang sa bobeli se re, Tloo u bone.

'Me ha tsoa pere e 'ngoe... (temana ea 4)... e khunong: 'me ea e kaletseng a fuoa matla a ho felisa khotso lefatšeng, ... ba bolaeane... hore ba bolaeane: 'me a neoa lerumo le leholo.

²⁶ Joale, ntho e mohlolo joale, ha—ha Sebopuo a se bolella Johanne, "Tloo feela u bone." Ha a ka a e bontšisa feela. A mpa a bona papiso. 'Me papiso eo, lebaka la eona... O itse, "Tloo, u bone," empa o bone papiso, a beng a tlameha ho e tšoantšetsa kereke, ka mokhoa oa hore ba shebelle; ho fihlela mongoaha oa ho qetela o fihla, 'me ke mohla Tiiso e tla buloa.

²⁷ Joale, mang le mang o utlosisa seo joale, lea bona, Litiiso li tla buloa. Na ha lea thabela ho phela letsatsing lee? [Phuthetho e re, "Amen."—Mong.] Hoo, lea bona, ha se hoo feela, metsoalle, empa le hopole kamehla joale, hoseng ha Sontaha se fetileng, sohle se ne theiloe holima hoo, ho nyatseha! Lea bona? Ho nyatseha, boikokobetso, e hlaha tjena hoo batho ba tsoelang pele feela ba sa tsebe le hore E a etsahala.

²⁸ 'Me, le hopole, re shebeletse ho Khutla ha Morena, nako efe le efe. 'Me etlare ha re... Ke entse tlhahiso, ka re koana Hloibilo e ka hlaha ho tšoana. E tla be e fetile, ho felile, 'me ha ho ea tla tseba letho ka eona. E tla fihla ka tsela eo feela. Lea bona? 'Me ka tloaelo... Khutlela morao Bibeleng u shebe feela kamoo e etsahalang. Lea bona?

²⁹ Esita le ntho ea tonana e kang ho fihla ha Morena Jesu, ha ho mang ea e tsebileng. Ba ile ba nahana, "Ke sengangele, sa motho." Likereke li itse, "Ke lehlanya feela. Re... O hlile o hlakane." Ha thoe, "Ke monna ea fapaneng hlooho." "Rea U tseba u a hlanya." *Hlanya* e bolela ho "hlakana hlooho." "Rea U tseba u na le modemona, 'me a U hlantša. Ebile U leka ho re ruta? Athe, U tsoaletsoe ka ntle mono, bonyatsing. Re... U tsoaletsoe bohlo leng. Ho leka ho ruta banna ba kang rōna, baprista, le ba joalo, ka tempeleng?" Be, khele, ho bona e le nyeliso.

³⁰ Mohla Johanne a ne a fihla, ho builoe ka eèna, ho theoha le mengoaha, ho qala ka Esaia ho isa ho Malakia. Mono ke makholo a leshome le metso e 'meli... kapa ke lilemo tse makholo a supileng le leshome le metso e 'meli, o bonoe ke

baporofeta, a etla. Mang le mang a mo lebeletse ho fihla, ba e lebeletse nako efe le efe. Empa mokhoa oo a tlleng ka oona, o ile a rera a phethisa tšebeletso ea hae, 'me a ea Khanyeng.

³¹ 'Me esita le baapostola ha ba ka ba e tseba, hoba ba Mo botsitse. Ba itse, "Joale, haeba—haeba Mora motho a ea Jerusalema, lintho tsena tsohle, ho nyeheloa," ha thoe, "horeng Lengolo le re eka khona 'Eliase a tle pele?'"

³² Jesu a re, "O se a tlile, 'me ha lea tseba. 'Me o entse hantle seo Lengolo le 'moletseng a tla se etsa. 'Me ba mo entse ka boithatelo ba bona." Lea bona? 'Me ha ba ka ba e utloisisa. O itse, "E ne e le Johanne."

'Me, hape, "Oh!" Lea bona, bao—bao ba ile ba phahamisoa, ke eona. Bao . . .

³³ 'Me athe, esitile, le qetellong, ka mora tsohle tseo A—A li entseng, le lipontšo tseo A ba bontšitseng tsona, a bile a ba bitsitse. Ha thoe, "Ke mang oa lōna ea ka Nqosang ka sebe, ho se lumele? Haeba Ke sa etsa seo Lengolo le itseng ofisi ea Ka e tla se etsa mohla Ke fihlang lefatšeng, le ka Mpontša moo Ke entseng sebe. Lea bona? Hape Ke—Ke tla le bontša seo le tlamehileng ho ba sona, 'me re bone haeba le e lumela, kapa che." Lea bona? A ka be khutlile a itse, "Le tlamehile la na la lumela ho 'Na ha Ke fihla." Ha ba ka ba e etsa, lea bona, ha ba ka ba leka ho Mo tlamella, tabeng. Empa O itse, "Ke mang ho lōna ea ka Nqosang ka ho se lumele? Lea bona? Na ha Kea etsa hantle se neng se tšoanela?"

³⁴ 'Me esita le baapostola, ba tsamaile, ba khoptjoa. Re tseba kamoo Mangolo a buang kateng. Eaba qetellong, pheletsong, ba re, "Joale rea lumela. Rea lumela hoba ha U a tlameha ho bolelloa ke motho, kaha U tseba lintho tsohle."

³⁵ Joale, ekare nka be ke bone sefahleho sa Hae. O tšoanetse a be a ile a ba talima, ho re, "Be, na joale lea lumela? Qetellong e bile ea le chabela." Be, e ne e sa lokela, mohlomong, ho fihlela nakong eo, lea bona. 'Me Molimo o sebetsa tsohle ka ho loka, lea tseba. Ke—ke Mo rata ka baka leo.

³⁶ Empa joale re nahanne ka mongoaha oa rōna joale. Hobane, ha nka bua ka taba eo, re ke ke ra kena Litiisong tsena, le ka mohla.

³⁷ 'Me joale, hopolang, ke fumana likopo tse ngata tsa bakuli. 'Me ke rapella ba . . .ka linako tsohle, kopo ka 'ngoe eo ke e amohelang, le lisakatuku le lintho. 'Me hola re ka qetella Litiiso tsena, ho fihlela Tiiso ea ho qetela, Sontaha hoseng re . . .Haele thato ea Morena, re rata ho tšoara tšebeletso ea mehla ea khale ea pholiso mona, lea tseba, moo u qetang hoseng hohle u rapella bakuli. 'Me ke—ke tiile hore e tla ba kopano e makatsang ea pholiso. Lea bona? Ke na le maikutlo a joalo feela, lea bona. 'Me ka hona, e seng e makatsang, empa e ka makatsa ba bang, lea bona, ke sona seo ke se bolelang.

³⁸ Joale, mohau oa Molimo o moholo hakae, ho re senolela makunutu a Hae letsatsing lena! Joale, bohle rea lumela hore re phela letsatsing la ho qetela. Re lumela seo. 'Me le hopole, makunutu a ne a tla senoloa letsatsing la ho qetela. 'Me ebe Lentsoe la Hae O le senola joang, makunutu a Hae? Bibeletse. Na le ka rata ho bala moo A e buang? Ha re phetleng ho bona kamoo A senolang makunutu a Hae.

³⁹ Joale ke batla ho bala Amose. Phetlang koana Bukeng ea Amose, 'me ke batla le bale khaolo ea 3 ea Amose, le temana ea 7. Ke hantle. Ke tla bala temana ea 6, hape.

Terompeta . . . e lla motseng, na batho ha ba tšohe kaofela na? na tlokotsi e ka hlaha motseng, e se ea hlahisoa ke MORENA?

Hobane Morena . . . ha a etse letho, a eso ho senole merero oa hae ho bahlanka ba hae bapropofeta.

⁴⁰ Joale, matsatsing a qetelo, rea . . . Re baletsoe hore ho tla hlaha e—e mopropofeta.

⁴¹ Joale, rea tseba hore re fumane ba mefuta eohle. Joale, kea elelloa, ka mora ho qamaka bosiueng bona, ke—ke bua mona moo ho lutseng baithuti, 'me ke—ke batla hore le nkutloisise. 'Me lea elelloa, liteipi tsena li aparela lefatše, lea bona, mohlomong lefatše lohle. 'Me ke batla hore le se ke, le ho leka, la nahana ha ke leka ho sutela nthoana ea—ea likobo tsa Elia kapa liphekha. 'Me tsohle—tsohle tseo, re fumane tse ngata. Empa, lea tseba, lintho tseo tsohle li etella ntho ea makhontho e tla hlaha, ho faposa batho tsela.

⁴² Na le tsebile hoba baetapele ba bohata—bohata ba hlahile, bomessia ba bohata, pele Krete a fihla? Na ha ho, na bao ha ba . . . Moruti oa letsatsi leo, moruti ea matla, Gamaliele, mohla e—e ho botsoang mabapi le ho shapa banna bana, le lintho tse joalo, o itse, “Ba tloheleng. Haeba e le ea Molimo, khele, le tla iphilele le loantša Molimo. Empa haeba e se ea Molimo . . .” Ha thoe, “Na ha ho a ka ha hlaha monna, nakoana e fetileng, ea isitseng makhola a mane feelleng, le lintho tse joalo? Re fumana lintho tseo.” E ne e le eng? Hoo hohle ho etella Ntho ea mannete pele mohla E fihlang.

⁴³ Joale, lea bona, ke Satane ea hlahisang lintho tseo. Le hlokomele masene a thaka lena leo re buang ka lona mona, Satane, moo re mo phuthullang hantle mona; ho mo hlobolisa feela, ka Mangolo, le ho leka ho le bontša hore na ke mang. Ke sona seo . . . se tlamelang ho etsoa.

⁴⁴ 'Me, lea hopola, ha a ka a leka ho kena a iketsa lekomonisi, Satane che. Ke antikreste. “E atametse hoo, ntho eo,” Jesu o itse, “ho ka thetsang le bona Bakhethoa . . .” 'Me Bao ke ba patiloeng kahara Litiiso tsena, bao mabitso a bona a leng holima Buka esale lefatše le theoa.

45 Ke mothaka ea bohlašana. 'Me etlare ha a bona ntho ena e tla, e nyoloha, ke hona mohlā a lahlelang sohle seo a ka se khonang mono, ho e sitisa pele e fihla mono. Na le tsebile ho tla hlaha bokreste ba bohata matsatsing a ho qetela? E tlameha ho latela hang ka mora sena, ka mora Molaetsa o moholo ona oo moena enoa a tlang ho o buoa, ea tla tla ruri, o tla tlotsoa ka moea oa Elia, hang-hang.

46 'Me ba tla mo fosa. Ba bang ba tla mo lekanya le Messia. Empa o tla bua ka thata a re, "Che." Hobane, eka khona e hlahe joaloka ho Johanne.

47 Mehlang ea Johanne Mokolobetsi, mohlā a ne a etsoa mono ho rera, ba itse ho eena, "Ana ha u Messia? Aa ha u Eena?"

48 O itse, "Ha ke eena. Ha ke na le tokelo ea ho lokolla lieta tsa Hae. Feela 'na ke—ke le kolobetsa ka metsi, empa ke Eena e tla le kolobetsa ka Moea o Halalelang." 'Me Johanne keha a kholisehile hore O holima lefatše, o itse, "O hara lōna, nqa e 'ngoe, joale."

49 Empa ha a ka a Mo tseba ho fihlela a bona pontšo eo e theohela holima Hae. Hape, eitseha a bona Leseli leo le theoha le qhalana joaloka leeba, le lula holima Hae, o itse, "Ke Eo mono. Ke Eena eo." Empa ke Johanne feela ea Le boneng, lea tseba. Ke Johanne a inotši ea utloileng Puo eo. Ba bang bohle mono, ha ho e mong ea E utloileng.

50 Empa etlare ha mohlanka eo oa makhonthe, oa mannete a fihlang; khabareng ea boetsisi bohle, empa e le ho sitisa kelello ea batho. Satane o sebetsa joalo. 'Me ho ba sa khoneng ho khetha ho lokileng ho se phoso, e a ba kothometsa. Empa Bakhethoa ba ke ke ba khona; Bibeletse e itse a ke ke a thetsa Bakhethoa. 'Me joale, pejana Krete a Khutla, Bibeletse e itse, "Ho tla hlaha bokreste ba bohata, 'me o tla ipitsa Krete, o tla re, 'Bonang, batho ba re O lehoatateng.' Le se ke la lumela. 'Bonang, O phaposing ea lekunutu.' Le se ke la e lumela."

51 "Hobane joaloka letsatsi ha le chaba bochabela le benyetsa bophirima, ho Tla ha Mora motho ho tla ba joalo." Lea bona? E, O tla—O tla—O tla hlaha, 'me e tla ba ketsahalo ea ka lefatše lohle. 'Me joale hoo, joale, ehlile, etlare ha ba fumana hore ntho e etsahetse, lea bona, ke moo ba tla . . . Joale, hopolang, e tla hlaha hang hoba Kereke e tlosoe ho ea Lapeng, ka mora Hloibilo.

52 Joale ho tla hlaha boetsitsi ba bohata, ka linako tsohle, 'me ha rea ikemisetsa ho ikamahanya le letho le kang leo. Che, monghali.

53 'Me kea lumela, motho eo ha a fihla, enoa ea baletsoeng ho fihla, ke mpa ke e bontša ka Mangolo feela, hore monna eo eka khona e be moporofeta. Ruri e tla ba eena. 'Me tšenolo ea Molimo, hobane Molimo . . . Lentsoe la Morena le tlela baporofeta ba Hae. Ke hantle haholo. Hoo . . . 'Me Molimo a ke ke a fetoha, lea bona. Holane A ena le tsamaiso e molemo ho feta eo, O ne a tla—O ne a tla e sebelisa. Empa O—O na le . . . O khethile tsamaiso e khabane tšimolohong.

54 Joalo feela kaha, A ka be a khethile letsatsi ho rera Evangeli. A ka be a khethile khoeli. A ka be a khethile e—moea. Empa O khethile motho. 'Me ha A eso khethe lihlopha. Ka bomong! Lea bona?

55 'Me ha ho eso hlahe baporofeta ba babeli ba baholo ka nako e le 'ngoe holima lefatše. Lea bona, monna e mong le e mong o fapane, moloho oa hae o fapane. Holane Molimo a ka fumana motho a le mong, ke phetho seo A tlamehang ho se fumana, hantle kahara letsoho la Hae, A ka etsa seo A se batlang. O tlameha ho fumana a le mong feela. Matsatsing a Nohe; matsatsi a Elia; matsatsing a Moshe.

56 Ba bangata ba hlahile, mehlang ea Moshe. Le tseba kamoo ba sebelitseng, ba batlile ho re, "Be, ha u halalele u le mong sehlopheng sohle," le—le Dathane le—le Kore.

57 'Me Molimo o itse, "Ikarole u sirohe. Ke tla ahlamisela lefatše le ba metse." Lea bona? 'Me—'me ka hona. . .

58 Ebile batho ba qala ba lumaluma. A re, "Ke tla—Ke tla falatsa ntho eohle feela."

59 'Me mono Moshe o a tlatsa malulo a Kreste, ka hona, a itahlela sekheong, a re, "U se ke ua etsa joalo, Morena." Lea bona? 'Me, ehlile, a. . .Ka mora hoba A tlotse Moshe ho e etsa, ha A ka a otlala holima Moshe, kahobane a ne a tšoantšisa Kreste nakong eo. E ne e le Kreste ka ho Moshe. Kannete.

60 Joale, kajeno re thabile haholo haele moo Molimo a Itšenolela rōna. 'Me ke lumela Letsatsi le leholo le qala le chaba, le thuntša mafube. Maseli a qala a halima. Linonyana tsa paradeise li qala li tlolietsa pelōng tsa bahalaleli. Ba tseba hore ho se ho se hokae joale. 'Ntho e 'ngoe e tlii' o etsahala, e tlamehile feela. Ka hona haeba "A sa etse letho. . ."

61 Joale, Lengolo lohle le bululetsoe. Mangolo a tlameha ho fetoha 'Nete e tiileng. Ha ho tsela ea ho e koekoetla. Mono ke fapana le metsoalle ea ka, kereke ea Katolike. Ke lumela E sa ngoloea feela ke monna ea pala. Ke lumela E susumelitsoe ke Moea o Halalelang. 'Me linthoana tsena tsohle tse ekelitsoeng, ho leka ho Le ekeletsa; na le lemohile, tharollong, e mong le e mong o rahetsoe kantle.

62 'Me Mangolo ana a 'nete, a makhonthe a nyallana, le leng ho le leng, ho fihlela mono—mono khohlano e sa fumanoe ho oona, ha ho nqalo ho hang. Mpontšeng sekotoana sa sengoloea se ka khonang—khonang ho ngola temana, e batla, e sa itoantše, kapa sa ngola—ngola temana, kapa tse peli. 'Me Bibeletse ha e Itoantše, hohle. Ke balile basomi ba khale ba rialong, empa ka mo phepetsa halelele, ho ntšupisa sebaka. Ha e fumanoe kahare ka mona. Ke ka hobane kelello ea motho e ferekane. Molimo ha o a ferekana. O tseba seo A se etsang. O a tseba.

63 Shebang, haeba Molimo a tla ahlala lefatše ka kereke, ho latela kereke ea Katolike, ke botle, ebe ekaba ka kereke efe?

Le ka sheba likereke tseo re li fumanang. Re fumana makholo a robong le lethonyana, la mekhatlo e fapaneng ea likereke. Joale ho tla joang. . . E 'ngoe e ruta *tjena*, e 'ngoe ka mokhoa *oane*. Ke pherekano e kakang, hape, mang le mang o etsa ka boithatelo, u tsoelapele leha ho le joalo. Molimo o tlameha ho hloma folaga e itseng, 'me eona ke Lentsoe la Hae.

64 Ho bua. . . Ha se ho e hafella Katolike, joale, hobane e— Protestanta e mpe hakaalo. Empa ke buile le moprista, o itse, “Mongh. Branham,” a re, “Molimo o kahara kereke ea Hae.”

65 Ka re, “Monghali, Molimo o kahara Lentsoe la Hae. 'Me Ke Lentsoe.” E, monghali.

A re, “Be, O kahara. . . Kereke ha e ke e tlailla.”

66 Ka re, “Ha A rialo. Empa O itse Lentsoe ha le tlaile.”

67 A re, “Be, re kile ra ruta kolobetso eo ka tsela eo, le lintho tse joalo.”

Ka re, “Neng?”

Ho re, “Morao matsatsing a qalang.”

Ka re, “Na eo u ka e bitsa kereke ea Katolike?”

A re, “E.”

68 Ka re, “Ha ho le joalo, Mokatolike ke 'na, Mokatolike oa mehla ea khale. Ke lumela ka mokhoa mehla ea khale. Lōna mathaka a kajeno le Le lubakantse, 'me le batla le sa rute Lengolo ho hang. Babuelli ba basali le bafu, le lintho tse ling tsena tsohle, le, oh, khili, ho ila nama, le, oh, ha ke tsebe le eng eohle, lea bona.” Ka re, “Le mphumanele eona kahara Lengolo.”

69 A re, “Ha ea tlameha ho ba teng. Ha feela kereke e rialo, ke phetho. Ha ho etse phapang hore Seo se reng, ke kereke.”

70 Ka re, “Bibele e itse, ho itsoe, 'Ekare ha e mong a eketsa lentsoe ho Eona, kapa a tlosa le Leng, kabelo ea hae e tla tlosoa Bukeng ea Bophelo.' Ka baka leo, ke Lentsoe! Ke lumela Lentsoe.”

71 Joale, 'me, ke hona, haeba Amose a rialo, 'me Mangolo a mang a khema 'moho, hore haeba. . .

72 'Me le hopole, tabeng ena, re mpa re otlala lihlooho tsa Eona. Feela, khele, haeba. . . Ha ke kena ka phaposing mono, 'me—'me Tlolo eo e kena, hola nka ngola seo A. . . sohle se etsahalang, nka lula likhoeli tse tharō mona ka e le 'ngoe ea Litiiso tseo. Ke ho otlala mabala-a-nkoe le ho E tlohela, ntho e bonahalang e sa tl'oa bipetsa batho. Empa, koana, e sa lekanang ho ba khopisa, empa feela e le hore, ka ho lumela, e tle—e tle e nonetse ntho eo. Le tseba seo ke se bolelang.

73 Joale, shebang sena joale, efèla “ha Molimo o sa etse letho,” Amose o itsalo, “pele A le senoletse bahlanka ba Hae baporofeta.” 'Me, hape, re bona seo A se etsang. O tsoanetse A be a itokisetsa ho etsa ho hong, ka seo A ntseng a se senola

joale. Molimo o itokisetsa ho hata temeng, ka kahlolo, kea lumela. O itokisetsa ho etsa ho hong. 'Me ntho e 'ngoe hape, ruri e a paka, hore re matsatsing a qetelo. Re qetellong ea mongoaha, Mongoaha oa Kereke ea Laodisea joale, kaha lintho tsena li ne li tlameha ho senoloa feela letsatsing la qetelo.

⁷⁴ Joale, nahanang taba eo feela joale. Feela—feela ha re lekeng ho thophothetsa seo re lumelang hobane Moea o Halalelang o batla re se tsebe.

⁷⁵ Joale hopolang, “Ha ho letho le tla senoloa; Molimo o ke ke oa etsa letho, ho hang, pele A le senolela bahlanka ba Hae, baporofeta.” 'Me le pele A etsa letho, O a e senola. 'Me ha A e senola, le ka hopola sena, ntho e 'ngoe e tseleng. Lea bona, e a senoloa.

⁷⁶ 'Me lintho tsena tseo re buang ka tsona li ne li tla senoloa letsatsing la ho qetela, pele feela ho Terompeta ea ho qetela, qetellong ea Molaetsa oa mongoaha oa kereke ea ho qetela. Ke hantle. Haeba le batla ho e bala joale, le ka phetla ho... Lōna, ke buile ka lona, maobane bosiu, hararō, Tšenolo 10:1-7, lea bona. “'Me matsatsing a moletso oa Molaetsa oa lengeloi la bosupa, sephiri sa Molimo se tla senoloa 'me se phetheloe.” 'Me ho setse ntho e le 'ngoe feela. Mohla Buka ena ea tiiso-supu e manolloang, ke moo sephiri sohle sa Molimo. . .

⁷⁷ Khele, re ile ra E hakanya, lilemong. 'Me ho latela Lengolo, hape, re. . .Ho be ho se mokhoa oa ho E utloisisa ho fihlela letsatsing lena, hobane E sa le e patoa. Re bone papiso, hore E ne e bapisitsoe le eng, empa E ke ke ea senoloa ka tšoanelo ho fihlela letsatsing lena. Lea bona? Joale, hape, re tšoanela ho ba teng mono, mono ho—mono nakong ea qetelo.

⁷⁸ Joale, hopolang. Le se ke. . . 'Me joale le se lebale, ho re, “Ha A etse letho pele A le senola.” 'Me le se lebale, le hona, hore O e etsa ka ho nyatseha hakana, hoo, “Ba bohlale le ba masene ba e fosang.” Joale, haeba le batla ho e tšoaea, ke Mattheu 11:25-26. 'Me, hopolang, “Ha A etse letho pele A le senola.” 'Me O le senola ka mokhoa oo ba hlalefileng, le batho ba ba rutehileng ba e fosang. Hopolang, lefatše le ne le ipatletse bohlale sebakeng sa Lentsoe, mohla sebe sa ho qala se entseng seo se se entseng. Le se ke la lebala seo joale. Oh, re tlameha ho ba motlotlo hakakang, ho e nahana!

⁷⁹ Joale shebang lintho tse etsahalang feela! Shebang lintho tseo A re boleletseng tsona! Shebang mona tabernakeleng ena, lōna batho bao re holileng le bona mona. Joale ke tlil'o kopa liteipi. . .Be, tsoelang pele, le ka e hatisa. Empa, shebang, taba ena ke tlil'o e bolella batho ba tabernakele ena, lōna bao esale le le mona. Ke laela mang le mang oa lōna, ka Lebitso la Morena Jesu, ho supu ntho e le 'ngoe ka monoana, hara lintho tse makholo tse boletsoeng le pele li hlaha, 'me u re ha e a ka ea etsahala. Mpolelle khetho le le leng, moo holima kalana,

kantle mono, nqa efe feela, moo A kileng a bua letho le sa etsahalang hantle ka mokhoa oo. Joang? Na kelello ea motho e ka ba joalo? Ruri lekhale.

⁸⁰ Mohla A ne a hlaha tlase mono holima noka, lilemo tse mashome a mararo a metso e meraro tse fetileng Phupjane e hlahlamang ena, ka sebopeho sa Leseli! Lōna mekaubere le hopola mohla ke le bolellang, ke sa le moshanyana, Puo eo le Leseli leo. 'Me eaba batho ba nahana, o batla a hlakane hlooho. Ehlile, le 'na nka be ke nahanne joalo, ka motho ea buileng. Empa joale ha lea tlameha ho ipotsa ka Eona joale. 'Me Kereke ha eso ipotse haesale ho tloha ka 1933, tlase mono nokeng letsatsing leo, mono ke kolobetsa makholo a batho!

⁸¹ Ke sa hopola moshanyana eo oa Marra a mpoella, ho re, "U il'o sesisa batho bao, Billy?" Jim Marra e monyenyane tlase mono, kea kholoa o shoele hona joale. Kea kholoa o bolailoe kantle mono; o thuntsoe ke mosali ea itseng. Empa o—o ile a mpotsa, "Na u il'o sesisa batho bao?"

⁸² Ka re, "Che, monghali. Ke il'o ba kolobetsa ka Lebitso la Morena Jesu."

⁸³ 'Me mosali o ne a tsamaea le sehlopha seo. A re ho mosali e mong, a re . . . ho etsa tlhahiso, ntho e mabapi le eona. A re, "Be, ha ke tsotelle ho sesisoa." Ho re, "Ho itoketse. Ha ke tsotelle."

⁸⁴ Ka re, "Khutla 'me u sokolohe. Ha u na tokelo ea ho kolobetsoa ka Lebitso la Jesu Krete." Lea bona?

⁸⁵ Ha se ntho ea ho bapala ena. Ke Evangeli ea Krete, e senotsoeng ka thomo, Lentsoe. Feela, joale, haeba u re, "Bosaoana le bothoto," u ka be u e beile nqa e 'ngoe. Empa, hopola, sena se tšepitsoe Lentsoeng hore se tla etsahala, le hantle seo e tla ba sona. 'Me ke sena.

⁸⁶ Hape, tlase mono tsatsing leo, mohla ba emeng nokeng! 'Me Lengeloi la Morena, leo ke le boleletseng e ne eka e—e naleli kapa ntho e 'ngoe e hojana, eaba E a atamela, eaba ke le bolella ka tšobotsi ea Leseli le lesehla. 'Me ke leo Le fihla, hantle holima noka moo ke neng ke kolobetsa.

⁸⁷ Holima, borakhoebo tlase mona motseng, ba itseng, "Ntho eo e ne e bolelang?"

⁸⁸ Ka re, "E ne e sa etsetsoa 'na. E ne e etselitsoe lōna. 'Na kea lumela. Lea bona? E ne e etselitsoe lōna, haele moo Molimo a entse hoo, ho le tsebisa hore ke le bolella 'Nete." Ke sa le mothoana, moshanyana, joalo, ea ka bang lilemo tse mashome a mabeli a motso o mong, ba—ba sa batle ho e lumela, lea bona, kaha e le khōlō haholo ho mothaka ea mokaalo. 'Me eaba ke ntse ke nahana. . .

⁸⁹ Moena Roberson mona, e mong oa diteraseti tsa rōna, ke 'mone mona metsotso e 'maloa e fetileng. Tsatsi le leng o mpoletse a ne a le Houston mohla ho katlatsoang setšoaantšō

seo, seo le se bonang. 'Me ke le... Ngangisanong eo, eaba ke qala ke bua letho ka eona, bosiu bo bong. Moena Roy e le eèna feela... le monna e mong, e le eèna feela motho ea nkileng sehatisi sehlopheng seo. E le sehatisi sa mehla ea khale sa lithapo. Ke bona Moena Roberson joale, le mohatsa'e. Ka hona, 'me—'me enoa, Mof. Roberson o ne a kula.

⁹⁰ Moena Roy e ne e le mokaubere oa sesole. 'Me meomo ea hae e ne e phatlotsoe, ba mo robalitse a eshoa. E ne e le moofisiri koana—koana Sesoleng. 'Me eaba moetso oa Jeremane oa mashome a robeli a metso e robeli o otlala tanka ea hae, 'me oa bolaea monna feela, oa mo phatlola likotoana. Ba mo robatsa kantle, ho shoa, nako e telele. 'Me ba itse a ke ke a tsamaea le ka mohla, kaha meomo e mebeli e ne e hlenhlane, methapo ea eona, le lintho. Khele, o batla a tsamaea ho mpheta.

⁹¹ Empa e ne e le eng? O ne a bone ntho e 'ngoe, 'me eaba o ea Houston. 'Me a ntse a mpoella ka mohatsa'e. 'Me o na le e—e thapo; o tla e hokela teiping. 'Me ha tšebeletso e tsoile mona, be, o tla le bapalla eona bohle, kea tšepa. 'Me teiping ea hae khale ea lithapo mono, o hatisitse litšebeletso tsa ka tsa Houston. 'Me eaba mohatsa'e mono, a re, o teng mono, 'me a ntse a sa e lemohe ho fihlela letsatsi le leng.

⁹² Eèna bo, oh, keha a hloname haholo. A kula, 'me a batla ho kena moleng oa thapelo. Ba sa ntse, ke eso ba bone bophelong ba ka. Kea a lutse pela e—e fesetere tsatsing leo, a shebile kantle, a nyahame, lea tseba, a tetebetse, lakalitse ho fuoa setlankana sa thapelo, ho kena moleng.

⁹³ 'Me, ha etsahala, bosiu boo a kena moleng, kapa bosiu bo latelang boo, kapa ntho e 'ngoe. Kea kholoa, bosiu boo. 'Me a kena moleng. 'Me ha a fihla kalaneng, Moea o Halalelang oa mo joetsa, ha thoe, "Joale, ha u tsoe mona. U tsoa motseng o bitsoang New Albany." 'Me ha thoe, "Kajeno u ne u lutse pela fesetere, o shebile kantle, u lumaluma ka ho fumana setlankana sa thapelo." Ke eo, e teiping, lilemong tse fetileng.

⁹⁴ 'Me qalong ea kopano, eitseha Moea o Halalelang o fihla... Mono e le kopano ea pele. Ra fumana batho ba likete tse tharō feela, eaba re fetela ho ba likete tse robeli, ea ntano ho batlileng ho etsa likete tse mashome a mararō. Ka hona ka hara... Eare ke sa bua mono... E 'ngoe ea likopano tsa ka tsa pele, ka re, "Ha ke tsebe hobaneng ke ho bua sena." Joale, e teiping. "Empa, eona, re a... Nako ena e tla ba e 'ngoe ea lihlohlo tsa bophelo ba ka. Ntho e 'ngoe e tlii'o etsahala kopanong ena, e tla be e phahame ho feta efe eo mang a kileng a e bona le ka mohla."

⁹⁵ 'Me ha e batlile ho ba masui a robeli kapa a robong, a leshome ka morao ho moo, ha Lengeloi la Morena le hlaha pontšeng ea batho ba batlileng ba etsa likete tse mashome a mararō, le ho theoha, 'me setšoantšo sa katlatsoa. Ke Seo,

hona joale, se babaletsoe ka molao ho qopitsoa Washington, D.C., e le bona feela Boleng bo fetisang tlholeho bo kileng ba fotoa lefatšeng.

⁹⁶ Eaba ke bua ka eona, lea tseba, ke re ka nako e 'ngoe, tlasa temoho ea moea, ho re, “Motho o siriloe ke lefu. Katiba e lerootho ke eo, ea seriti. Ba ntšing tsa lefu.”

⁹⁷ 'Me ea ntano ba holimo mona East Pines, kapa Southern Pines, kea kholoa ke eona, mohla kopano ea ka ea ho qetela mono. Mono keha ho lutse leleiti le lecha, eaba Ntho e 'molella e re, “Katlatsa setšoantšo seo, ka potlako,” ha ke ntse ke buisana le leleiti leo. 'Me ke eo moo e leng teng. Kea kholoa e tla hlalisoa letlapeng la litaba; esale e beiloe, nakoana joale. Ho na le seriti se lerootho se lopaletseng holima leleiti leo.

⁹⁸ Eaba o katlatsa setšoantšo se seng, hang ha Moea o Halalelang o e tlaleha. Keha se nyametse. Ha thoe, “U tla fola. Morena o u folisitse. Mofetše o nyametse.” 'Me keha e le eona. 'Me o ile a fola. Lea bona? Ke lōna bao. Lea bona?

⁹⁹ Hoo ho supa Molimo a tseba nako ea letsatsi. Rōna che. Re mpa re tlameha ho Mo utloa feela.

¹⁰⁰ Joale re ka lula re bua, empa ha re theoheleng tlase mona joale, motsotso feela, 'me re ame Tiiso e ka morao ena, re tle re tsoakanye ena le Eona. Joale, bakeng sa motheo feela, bakeng sa nak- . . . bakeng sa nakoana, e—e 'ngoe, Tiiso ea Pele.

¹⁰¹ Rea elelloa, pulong ea Tiiso ea Pele, Satane o fumane e—e seqhobane, sa monna oa morapeli. Na le eleletsoe mokalli eo oa pere e tšoeu? Etsoe, bao, ho itsoe ntho eo e ne e le . . . Kereke ea hoseng e tsoileng; empa, oh, khili, esale e rutoa ho theoaha le lilemo, empa ho ke ke ha ba joalo. Le ka ba sheba kaofela ha bona, mohla re ba tlamang bohle ngata e le 'ngoe, le shebe moo e leng teng, lea bona. Joale, ha ke tsebe na ba bang e tla ba eng, le joale. Empa kea tseba e tla latela ka ho phethahala ka mono, hobane ke 'Nete. Ke 'Nete. E ne e le bolaoli ba kereke ea Roma, ka nèpo.

¹⁰² Batho bana ba hopolang Bajuda e le antikreste, ba hlile ba hlahlatha hole le mocha ka limilione tsa limaele. Le se re ka ho lōna Bajuda ke antikreste. Mahlo a bona a ne a fofatsoe, ka morero, re tle re fumane tsela ea ho kena, ho re fa nako ea pako.

¹⁰³ Empa antikreste ke Molichaba. Ruri bo. Ke nketsisane ea 'Nete; *anti*, “khahlano.” Joale, monna-seqhobane enoa, oh, kamoo a fetohang monna e moholo, 'me—'me qetellong o hloellisoa terone. 'Me hape, hoba a hloellisoa terone, a roesoa moqhaka. 'Me joale, eèna, ka mora moo, a khumameloa litulong tsa Molimo.

¹⁰⁴ Joale, shebang, le pele hoo ho fihla. Ke batla ho le botsa taba. E ne e le mang? Ebe E ne e le eng ho Pauluse, ho Bathessalonika ba Bobeli 2:3, e tlalehileng ho fihla ha monna

eo? Hobaneng monna eo a ile a shalima tlase ho mongoaha 'me a e bona? E ne e le moporofeta oa Molimo. Ruri bo. Hobaneng ho be ho . . .

¹⁰⁵ O itse, “Moea o bua o omèla, mehlang ea bofelo ba tla koenehela tumelo, ba khomarele thetso. . .” Le tseba seo *keko* e leng sona. Moea o ekang kahara kereke, ke boprista. “Moea oa boprista, o ekang, ka litšebetso tsa bademona; boikaketsi kahara kereke.”

¹⁰⁶ “Baeki, le bakaki,” bohlale, lea bona, hlalefo, masene; “ba nang le sebopeho sa borapeli.” (Ho tsoa feela, ho thoe, “Be, re Bakreste; re tlameha ho tsamaea kereke.”) “Ba nang le sebopeho sa borapeli, ba mpa ba latola litšeno, Matla le tšebetso ea Moea; ba joalo u ba furalle.” Lea bona? Joale lemohang, o itse, “Hara bao ke ba khukhunelang ntlung le ntlung, 'me ba hapa basajana ba imetsoeng. . .” Hoo ha ho lekanye basali ba Moea o Halalelang. “Basali ba imetsoeng ba kenoeng ke litakatso tse ngata.”

¹⁰⁷ Litakatso tse ngata! Ba rata ho sutela eng eo ba e batlang, le disosaiti tsohle tsa mefuta; ba phele ka boithatelo ba bona, 'me, le joale, “Re tsamaea kereke. Re lokile joaloka mang le mang.” Litantše, meketjana, ba kuta moriri oa bona, ferefe, ba apara ka boithatelo; le joalo, “Re—re Mapentekosta. Re—re lokile joaloka mang le mang.” Oh! Mesebetsi ea hao e a u tsebahatsa. Kannete. Lemohang.

¹⁰⁸ Empa o itse, “Banna ba likello tse bolileng, ka nqeng ea 'Nete.” 'Nete keng? Lentsoe, e leng Krete. “Ka nqeng ea 'Nete.”

¹⁰⁹ “Oh, u etsa. . . Uena, u moleleki oa mosali. U mohloi oa mosali. U etsa *sena, sane*.”

¹¹⁰ Che, monghali. Ha e a loka. Eo ke—ke thetso. Ha kea hloea basali. Che, monghali. Ke likhaiseli tsa ka, haeba e le likhaiseli. Feela seo ke. . .

¹¹¹ Lerato ke tokiso. Haeba e se tokiso, ha se lerato. Haeba e le lona, he, haeba e le lerato, ke—ke lerato la phileo 'me ha se la agapao, ke tla u bolella seo. Ekaba leratonyana la phileo ho mosajana ea bohehang. Empa lerato la agapao ke ntho e fapaneng, ke lerato le otlollang ntho eo, le ho kopana le Molimo koana moo re ka phelang ka Bosafeleng. Lea bona? Ke ne ke sa ikemisetsa eona, mohlomong, kamoo e utloahetseng, empa ke. . . Le tseba seo ke—ke. . . Kea kholoa lea utloisisa. Ho lokile.

¹¹² Joale, empa, hopolang, o itse, “Joaloka Jannese le Jambrese ba hanyelitse Moshe, le bana ba tla etsa joalo. Empa bohanya ba bona bo tla pepesoa kapele.”

¹¹³ Hobaneng? Mohla Moshe a ronngoeng ho etsa ntho e bonahetseng e le hlaha, empa, a theoha ka botšepahi bo tiileng. 'Me ke Molimo o mo laetseng ho nka ntho ena, thupa ena, ho e lahlela fatše, 'me e tla fetoha noha. Eaba, O a e etsa, ho

'montša hore e tla etsahala. 'Me ka pela Faro, a ema mono ho latela thomo ea Molimo, a lahlela thupa ena fatše, eaba e fetoha noha.

114 'Me ntle le pelaelo, Faro o itse, “Malepa a tlase a boselamose!” Eaba o tloha a lata Jannese le Jambrese ba hae. Ha thoe, “Re ka etsa lintho tseo, le rōna.” 'Me a lahlela thupa fatše, tsa fetoha linoha.

Joale ebe Moshe o ne a ka etsang?

115 E ne e le eng? E ne e supa hoo, hore ntho efe le efe ea Molimo ea makhonthe, diabolosi o beile nketsisane oa eona. Ba etsisa, ho faposa batho tsela.

116 Ebile Moshe o etsang, ho re, “Be, kea kholoa ke fantse. Nka mpa ka checha ka santhao”? A ema a ikhutselitse, kaha a phethisitse thomo ea hae, ho fihla letereng.

117 Hape, ntho ea pele lea tseba, ebile noha ea Moshe e koenya e 'ngoe. Lea bona? Le kile la nahana se hlahetseng noha e'ngoe eo? Ebe e ile kae? Moshe o ile a thonaka thupa a tsoa a tsamaea ka eona. O ile a etsa mehlolo ka eona. 'Me noha keha e le kahara thupa ena. Lea bona? Ho a babatseha. Ha ke re? E, monghali.

118 Joale, antikreste o hlahella leseling, butle-butle. Ke le batla le eleletsoe sena. Joale, ha u utloa. . .

119 Joale, ho metsoalle ea ka ea Katolike, le lule le khutse motsotso feela, 'me joale; 'me re tla bona malulo a Maprotestanta; moo re leng teng bohle, lea bona.

120 Lemohang, kereke ea pele, ha kereke ea Katolike e ipitsa ea pele, kereke ea mantlha, ba hlile ba nèpile. E ne e le bona. Ba simolotse Pentekosta. Ke hona moo kereke ea Katolike e qalileng. Joale, nkile ka batla ke sa e lumele, ho fihlela ke bala histori, eaba ke e fumana e nèpile. Ba qalile Pentekosta. Empa eaba ba qala ba ritsa, 'me le bona moo ba leng teng.

121 'Me Pentekosta ha e ka ritsa ka sekhhahla ea eona sa joale, ha ba tlameha ho tsamaea lilemo tse likete peli. Lilemong tse lekholo ho tloha joale, ba tla be ba ritselitse hole ho feta kereke ea Katolike. Ke hantle.

122 Empa lemohang, mokhoa, mokalli enoa oa pere e tšoeu. Joale re tla e hahela motheo, nakoana, ho fihlela re otlala Tiiso ena. Joale le lemohe mokalli enoa oa pere e tšoeu, ho tsoeng ha hae, o—o sebetsa ka mekhahlelo e merarō. Diabolosi, kamoo ke le paketseng bosiuong bong, o itlhamisa ka botriniti, joaloka Molimo feela. Empa esale eena diabolosi eo ka linako tsohle, ka mekhahlelo e merarō. Lemohang mekhahlelo ea hae. Mokhahlelong oa pele, o kena ka hare. . .

123 Moea o Halalelang o tšolohile, batho bohle ba ile ba teanya thepa ea bona. Moea o Molimo o ne o lutse holima bona. 'Me baapostola ba kena ntlu, ba ntse ba ngoatha bohobe le batho. 'Me ha etsoa lipontšo tse khōlō le meeka.

124 'Me—'me eaba, ntho ea pele lea tseba, Satane a qala a hlahisa letomotomo.

125 Eaba, ha morao, makhoba ana le bafumanehi ba lemang mobu, ba amohetseng Moea o Halalelang, ba kena linqalong tse fapaneng, ba ntse ba paka. Ba pakela benghali ba bona.

126 Haisa-isa, ha qala ha kena, oh, ho kang likapotene tsa sesole le—le batho ba fapaneng. Ebile batlotlehi ba qala ba bona likhapo tsa bonatla, le mehlolo le lipontšo tse entsoeng ke banna bana, eaba ba amohela Bokreste.

127 Be, eaba, lea bona, eitseha a siraka Bokreste, 'me a theohela nqalong ea bona ea ho phutheha, kahara holo ea khale, e bipetsaneng e lerootho; ba opa liatla, ba hlaba litlatse, ba bua lipuo, ba fumana melaetsa. Khele, a ke ke a e khutlisetsa ho mohlolisane oa hae—oa hae, kapa e bang e ne e le eng, khoebong ea hae. "O ne a sa tl'o E lumela, ka mokhoa oo." Ruri lekhale. Ka hona, o tlameha ho E apesa. Eaba ba qala ba phutheha, 'me ba qala ba nahana, "Joale re tla bopa ntho e batlang e fapane."

128 'Me Jesu, hang ka potlako, mohlala mongoaha oa kereke ea pele, O ba boleletse. Khaolong ea 2 ea Tšeno lo mona, "Ke na le seo Ke se nyatsang ho uena, ka baka la liketso tsena tsa Banikolaitane."

129 *Nikao*, "ho hapa" phutheho. Ka mantsoe a mang, ba batlile ho bopa, sebakeng sa bonngoe, ba batla ho emisa mothaka ea halalalelang. Keha ba batlile ho etsa ho kang. . . Keha ba batlile ho bo tsoantšisa le bosalumele ba bopagane, e leng moo ba khonyolotsoeng teng, 'me qetellong ba e finyella.

130 Joale shebang. Pele, "Nikolaitane." *Nikolaitane* e ne e reiloe, ka hara Bibe le, "antikreste," kaha e be e le khahlano le Thuto ea sethathong ea Krete le baapostola.

131 Ha ke batle ho bitsa lebitso la monna enoa. Ke monna ea phahameng. Empa nkile ka etela kopano ea hae, mona lilemo tse 'maloa tse fetileng. 'Me o ntsebile ke le teng mono, kaha ke ile ka tsukutla letsoho la hae. 'Me a re, "Oh, lea tseba, kajeno re fumana ho reiloeng Mapentekosta." 'Me a re, "Bao, ba itšetlehle ka Buka ea Liketso." A ba a re, "Lea bona, Liketso e e ne e mpa e le mosebetsi e leng moralo oa Kereke."

132 Na le ka nahana, ka monna ea ithutileng Bibe le, monna oa khale ea khabane, ea ithutileng Bibe le kamoo monna eo a entseng, a ntano hlahisa puo e joalo? E utloahetse, ha e . . . Ebile ha e—e utloahale e le Moea o Halalelang. Be, ha e a tlameha joalo, nqa efe.

133 Hobane, mang le mang ea nang le kutloisiso ea tloaelo o tla tseba hoba Liketso tsa Baapostola e ne e se liketso tsa baapostola. E ne e le liketso tsa Moea o Halalelang kahara baapostola. Na ha le tsebe kamoo re e bapisitseng mengoaheng

ea kereke? Libata tseo tse lutseng mono, li shebile Areka mono. Mattheu, Mareka, Luka, le Johanne, ba eme mono, ba shebile ntho Eo. 'Me ke sona se etsahetseng ka Mono, ke litholoana tsa lingoloa tsa Mattheu, Mareka, Luka le Johanne.

¹³⁴ Ke sona se hlahisitsoeng ke sefate, lekala la sona la pele, 'me ke sona se ileng sa hlaha. 'Me efèla ha sefate seo se hlahisa lekala le leng, ba tla ngola buka e 'ngoe ea liketso e le salang morao. Hobane, lea bona, Bophelo bo tsoanang bo tlameha ho phalla kahara ntho e tsoanang.

¹³⁵ Ka hona joale, kajeno, ha re sheba holima likereke tsa rōna tsa malumeli, Methodise, Baptise, Presbeteriene, Lutherane, church of Christ (eo ho thoeng ke eona), le Mapentekosta le lintho tse joalo, ntho eo re e fumana kae? Ha u e fumane.

¹³⁶ Ke tla amohela hore Mapentekosta a tsoere ntho e haufi-ufi le Eona, e leng teng, hoba ba holimo mona Mongoaheng oa Kereke ea Laodisea. Ba fumane 'Nete 'me ba E hanne. Ba fetohile ba fōfōtho ka Eona, 'me Molimo o ba hlatsitse molomong oa Hae. Mono ke ho latela Mangolo hantle.

¹³⁷ Mangolo ao u ke ke ua etsisa leshano. Lea bona? A tla itšalla a nèpile, le mehla. U se ke ua leka ho . . . Ntho feela, u se leke ho hlophisa monahano oa hao le . . . kapa Mangolo ka mohopolo oa hao. Empa re- . . . u mpe u itsepamise ka Mangolo. Eona, u tla be u matha le Molimo. Ho sa tsotelehe hore u tlamehang ho poma, kapa ho beella kathoko, ako itsepamise le Hoo. Lea bona?

¹³⁸ Le shebe seo O se entseng mohla O tšolohang la pele. Be, haeba Molimo o sebelitse joalo khetlo la pele, O tlamehile ho sebetsa joalo khetlo labobeli. O tlameha ho sebetsa joalo nako le nako, ho seng joalo O sebelitse ka phoso khetlo la pele.

Lea bona, rōna joaloka batho ba shoang, re ka etsa liphoso. Athe Molimo a ka sitoa.

¹³⁹ Qeto ea Molimo ea pele e phethahetse. 'Me kamoo A khethileng ho sebetsa lintho, ho ke ke ha fumanoa ho hong, tsela e betetšana. A ke ke a e ntlafatsa, hobane e phethahetse, le ho qaleng. Haeba ho se joalo, ekabe'ba ha A hloke pheletso. 'Me haeba A hloka pheletso, etlaba Ke motsebatsohle. 'Me haeba E le motsebatsohle, ke Eamatlaohle. Amen! O tlamehile ho ba seo, hore e be Molimo. Lea bona? Ka hona le—le ke ke la re, joale, "O ithutile haholoanyane." Ha A ithuta haholoanyane, Ke e—Ke sona seliba sa bohlahe bohle. Lea bona?

¹⁴⁰ Bohlahe ba rōna mona bo tsoa ho Satane. Re bo amohetse ho tsoa Edene, moo re anantseng tumelo ka bohlahe. Eva o entse hoo.

¹⁴¹ Joale, pele o bitsitsoe antikreste. Mokhahlelo oa bobeli, o bitsitsoe moporofeta oa bohata, hobane moea oo o hara batho o ile oa fetoha nama.

142 Le sa hopola, qalong mokalli oa pere e tšoeu o ne a sa roala moqhaka, empa eaba o a . . . o ile a fuoa moqhaka. Hobaneng? E ne e le moea oa Nikolaitane, le ho qaleng; eaba o fetoha nama kahara monna; 'me a roesoa moqhaka, a fuoa terone a roesoa moqhaka. 'Me o sebelitse joalo nako e telele, kamoo re tla bona ha re . . . ha Litiiso li qhaqholloa.

143 'Me re ntano fumana, ka mora nako e telele, Satane o ile a lihelo a Leholimōng. 'Me a theoha, ho latela Mangolo, 'me a lula teroneng. Nahanang feela, ho lula teroneng kahara monna eo, 'me a fetoha sebata. 'Me a fuoa matla, matla a matonana, ho latela kamoo a sebelitseng, ka mehlolo eohle le ka ntho eohle, hoo—hoo, kapa ka lipolao le ka lintoa tse phallang mali le ka sohle seo—seo Roma e khonneng ho se hlahisa. Ke hantle. O bolaile ka sehlooho, kahlolo ea Roma. Feela, oh, kamoo re ka kenyang Mangolo a 'maloa mona!

144 Hopolang, Jesu Krete o shoele tlasa kahlolo ea Roma, kahlolo ea lefu.

145 Molaetsa oo ke o babaletseng pelōng ea ka, ho o rera holimo mona kopanong e hlahlamang, thapama ea Labohlano le Molemo, e hlahisa lintho tse tharō, lintho li 'ne, lea bona. “Mono ba Mo thakhisa.” “*Mono*,” nqalo e halalehileng ka ho fetisa, ea borapeli lefatšeng e be e le Jerusalema. “*Ba*,” batho ba bahalaleli ba fetisang (bao ho thoeng ke bona) lefatšeng, Bajuda. “Mono ba *thakhisa*,” kotlo e bokhopo boselesele eo Roma e beng e ka e hlahisa. “*Mo thakhisa*.” Eng? Motho ea liphahameng ka ho fetisa ea kileng a phela. “Mono ba Mo thakhisa.” Oh, khili!

146 Molimo nthuse ho E sokollela sehlopheng seo sa banna borakhoebo, ho fihlela ba bone moo ba emeng teng. Ho lokile. Joale, ha se ho fapana, ha se ho khohlhala; empa e le ho E sisinya, ho fihlela baena bao ba bone hore batlotlehi ba bona le bontate ba halalelang, le lintho tseo ba li ngolang jurnaleng ena ea Banna Borakhoebo, ke mepoto. Ha se tšoanelo ea Bakreste ho bitsa motho “Ntate.” Ba qala ntho eo. Ke lekile ho ba thusa ka sohle seo nka se khonang. Na joale le bona moo teipi ena e habileng teng. Ka hona, ke qetile. Ruri nke ke ka hlola ke amana le eona ka letho. Ho lokile. Pele, u hopole Krete.

147 Pele, joaloka Nik . . . Nikolaitane, 'me mongoaha oa Nikolaitane o batlile eng? O kopile ho suthela hole le sehlopha sa batho bao ba hlabang litlatse ba opa liatla tsa bona, 'me ekare ba itlotlolla; ba tšoana le bao ka Pentekosta, ekare batho ba tahiloeng, ba reketla tlasa Moea, le lintho. Keha ba sa rate nyee eo. Ba itse ba tahlloe. 'Me eareha batlotlehi . . . Mamelang! Le se ke la e fosa. E ka utlohala e le bohanya ho uena, empa ke 'Nete. Eitse ha—ha batlotlehi ba qala ba kena, ba sitiloe ho boborana tlase hakaalo.

148 Molimo o etsoa boholo keng, hoba O phahame hoo a ka boboranang tlase. Ke hona ho Mo etsang boholo. Ha ho

letho le phahameng ho feta. 'Me O ile a kobotela fatše ho feta mang ea neng a ka kobotela, motho ofe ea kileng a kobotela. E ne le Khosi ea Leholimō, 'me O tlile teng e—teng motseng o tlase ho feta lefatšeng, Jeriko. 'Me eaba O theohela tlase hona esitile le monna ea mokhutšoane ho fetisa motseng a bileng a tlameha ho Mo sheba fatše, ho Mo talima. Na ho joalo? Sakea. Ke hantle. A reoa lebitso le nyelisehang ka ho fetisa leo motho a ka le reoang, “senohe, diabolosi, Belsebule.” Ke seo lefatšeng le kileng la se nahana ka Eèna. Ho shoa lefu le bokhopo boselesele. A se na moo a samelang hlooho ea Hae. A kharameletsoa kantle, ke mokhatlo ofe le ofe.

149 Empa mohla Molimo o Mo phahamisang, holimo hoo A tlamehang ho sheba fatše ho bona Leholimō. Ana le bona mokhoa, Molimo, ka boikokobetso. Lea bona? 'Me O Mo file Lebitso le phahameng hoo leloko lohle la Leholimō le bitsoang ka Eèna, le leloko lohle la—la lefatše. Leloko lohle la lefatše le bitsoa “Jesu.” Maloko ohle a Leholimōng a bitsoa “Jesu.” 'Me ke Lebitso le le kaale kang, hoo, lengole le leng le le leng tla khumama, le leleme le leng le le leng le tlang ho bolela, ho Eèna hore ke Morena; e ka bang mona kapa liheleng. Lihele li tla le khumamela. Sohle se tla le khumamela. Lea bona? Empa boikokobetso bo tlile pele, eaba lea phahamisoa. Lea bona? Molimo ebe oona o tlotlisang. “Ea ikokobetsang, eèna Molimo o tla mo phahamisa.” Lea bona?

150 Joale, re elelloa moea ona oa *nikao* o ileng oa ipatlela bohlae, masene. Oa tlameha ho e beela mabaka, joaloka Edene, ho bea mabaka khahlano le Lentsoe la Molimo, ka bohlae, 'me eaba kereke e hapuo ke lona. E ne e le eng?

151 Joale, ha re re, re qotse kereke ena mona, 'me re qotse sehlopha sa batho ba kang rōna, haeba u sa tlatsoa ka Moea ka 'nete. 'Me ha re nkeng, re re. . . Joale, ha se taba e khahlano le ramotse oa rōna. Ha ke khohoe ke mo tseba, Mongh. Bottorff. Na esale ramotse, Mongh. Bottorff? Lea bona, ha ke. . . Mongh. Bottorff ke motsoalle oa ka, lea bona. Empa, ha re re, ramotse, le matla ohle a sepolesa, le—le limashale tsohle, ebe bohle ba—ba tla koano mona. Ntho ea pele lea tseba, haeba ba fupile nthoana hloohong ea bona, 'me ba qala ba rerisana le lekhotla le batho mona, 'me ho thoe, “Joale lea tseba keng? Sena se tlameha ho fetoloa.” Haeba u sa tlala Moea, 'me le beile le monna ea tletseng Moea ka mora sefala, ntho ea pele lea tseba, le tla ba khahlisa. Mohlomong e seng molokong ona; e ka hlaha molokong o tlang.

152 'Me e qalile ka tsela eo. Lea bona? Hobaneng? Ba ne ba re, “Shebang mona. E hlile e a hlaka.” Lōna, le ne le tla e mamela.

153 Ha re re mona ho kena monna, ea ka reng, “Kereke ena e nyenyane. Ha re ikaheleng kereke e khōlō. Ke tla le hahela e 'ngoe holimo mona, e a. . . e tla ja chelete e kana, halofo ea milione ea didolara. E tla hlalisoa mono. Ke tla e phatlalatsa khasong.” Ha

ba etsa joalo, ba koetlile lerumo ka kobong; makhethlo a robong holima a leshome, lea tseba, mofuta oo. Ntho ea pele lea tseba, ebe, ha a etsa joalo, o hlophisa lintho ho ikhotsofatsa. “U ke ke ua bua letho, hobane Moena John Doe morao mane, ke ramatlotlo oa kereke ena.” Lea bona? ’Me ebe le fumana Ricky-nyana ea tsoang seminareng e itseng, ea tsebang Molimo hakaale ka Mokhothu mabapi le bosiu ba Egepeta, ’me o tla fihla mono a khahlise thaka leo, hobane o mo rekela koloi e ncha nako tsohle, ho mo khanna hohle, o mo rekela *sena, sane, le se seng*.

¹⁵⁴ Joale, e qalile joalo hantle. Hantle. Lemohang, bohlale le masene! Ba itse, “Joale shebang mona, na ha e etse keello? Joale, e. . . basali ba rōna—rōna, phapang ke efe kamoo ba lokisang moriri oa bona?” Empa Bibeletse e re e etsa phapang. Ho qotsa ntho e le ’ngoe eo, hara makholo a mang. Lea bona? E etsa phapang. Molimo o itse e etsa phapang, ka baka leo ke phapang.

¹⁵⁵ Empa, lea bona, haeba ba ka e qala, ’moho le lekhotla la teraseti, le batikone le bohle, ntho ea pele lea tseba, molisa o a kena kapa o a tsoa. Ke phetho. Lea bona, batho ke bona ba e voutetseng kahare. Ke hantle.

¹⁵⁶ Joale lemohang, moea oo o qala o phalla, ’me kereke eo, eona, e kentse batlotlehi ba bangata hakana, linthohali tse ngata hakana, chelete e qalile e ngata, ho fihlela ka mora nako ba e mametse ’me e ba hapile, ke maqiti a diabolosi.

¹⁵⁷ ’Me ke eona ntho eo Eva a e qalileng tšimong ea Edene. Joale, lea e utloa. Ke hantle. Shebang, mosali oa tlhaho, monyaluoa oa Adama, le pele a tla ho eēna joaloka mosali, a haptjoa ke lenaneo la Satane khahlano le Lentsoe la Molimo, ka ho Le beela mabaka. Le pele Adama a phelisana le Eva joaloka mosali, Satane o mo etile pele. Ke hantle. Le utloile *Sefate Sa Monyaluoa*, seo ke rerileng ka sona. Puo ea ea eona, lea bona. Ke hantle. Joale eelloang, mono, eaba Eva o haptjoa ke mabaka. Joale eēna, Satane, o ile a leka ho Le beela mabaka.

O itse, “Empa Morena o itse. . .”

¹⁵⁸ O itse, “Oh, u a tseba, empa ruri Morena a ke ke etsa joalo. U a bona? Uena, u batla bohlale. U batla ho tseba lethonyana. Khele, u ngoana ea sethoto feela. U a bona? U tlameha ho tseba lethonyana.” Haeba e se Satane eo! Oh, khili!

¹⁵⁹ Haeba e se lintho tse ling tsena, tsa sejoale sena, lea bona, “Oh, bao ke sehlopha sa bathethehi-bahalaleli feela. Le se ke la ba tsotella ka letho, lea bona. Le se ke la ea. . . Lea bona?”

¹⁶⁰ Joale, oa tlhaho, monyaluoa oa pele oa morabe oa batho, le pele monna oa hae a tla ho eēna, keha a oele mohaung, ka ho mamela leshano la Satane, ka mora hoba Molimo a mo potetse ka mora qhobosheane ea Lentsoe la Hae. Hola a itulela ka mora Lentsoe, a ka be a sa oa. Joale mono ke ka tlhaho, lemohang, mosali oa tlhaho.

161 'Me thohako ebile efe, thohako e tiileng ea ho tsoa ka mora Lentsoe la Molimo?

162 Joale hopolang, o lumetse liphesente tse batlileng ho ba mashome a robong a metso e robeli tsa Lona. Empa u tlameha ho tlohela Ntho e le 'ngoe feela. Lea bona? O lumetse boholo ba Lona. Oh, ruri bo. O buile Sena, 'me Satane o lumele hore E lokile. Ha a ka khona feela ho itsopa ka uena chebeleng, ke phetho seo a se batlang. Lea bona? U tlamehile feela ho thintšetsa kulo ea sethunya hanyenyane ka nqa *ena*, 'me e tla fosa sekhopi. Lea bona? Ke phetho. Joale, o lumetse bokaalo ba Lona, empa feela a e fosa.

163 Joale, 'me e—'me liphetho, hobane o tlohetse Lentsoe, ho inkela bohashana ba lebaka.

164 Be, u re joale, “Mabapi le basali teng?” Kapa, “Hobaneng u batla ho bua ka ntho e kang eo?” Empa leha ekaba efe ea linthoana tseo. “Phapang ke efe, haeba e le bopaki ba mantlha?” E na le lebaka! U tlameha . . .

165 E tlamehile ho otlolloa. Re ile ra E hakanya, mehleng ea mengoaha e supileng ea kereke, koana. Empa hora e tlile eo Molimo a E buang. 'Me ha A E bue feela, empa O a E bontša, le ho E nêtefatsa, le ho E paka. Ke hantle. Holane A sa e etse, ekabe'ba ha se Molimo, ke phetho. Molimo o tšehetsa Lentsoe la Hae.

166 Lemohang joale. Joale, mosali oa tlhaho o hlahisitse lefu la tlhaho, kaha a mametse lebaka, ho ithuela bohlale, ho ithuela bohlae sebakeng sa ho lula ka mora Lentsoe le ho phethisa seo Molimo a mo laetseng sona. O ne a batlile bohlae, le ho ba masene. Eaba o mamela lebaka, 'me—'me eaba o lahla morabe ohle oa batho. Lea bona?

167 Joale, nakong ena, mosali oa moea, Monyaluoa oa Krete ea qalileng ka Letsatsi la Pentekosta, 'moho le Kereke ea mesong ea boapostola, o lahlehetsoe ke eona ntho eo mane Nicaea Council. Lee, u e tseba e le 'nete. 'Me mane—mane Nicaea Council, mohla a ananyang litšoanelo tsa tsoalo ea hae ea moea, ho amohela likereke tse khōlō tsa Konstantine le lintho tseo a ba behetseng tsona mono, eaba o reka ka litšoanelo tsa hae tsa Mangolo bakeng sa sekhakhatha sa tšomo ea Roma. Joale, taba eo e boima ho Katolike. Empa Maprotestanta a entse hona hoo, 'me ba bapisoa, kahara Bibe le mona, e le morali “oa sehloa, oa seotsoa.” Ke hantle haholo, e 'ngoe le e 'ngoe ea tsona! Ha ho meitatolo ea letho.

168 Empa kantle mono esale ho setse masalla a manyenyane, hantle ho tla joalo, a tlang ho bopa Monyaluoa.

169 Lemohang, o lahlehetsoe ke litšoanelo tsa tsoalo ea hae, lea bona, le pele monna oa hae a fihla ho eena. Lea bona? Pele ho lechato, a lahleheloa ke tlōtlō ea hae.

170 'Me joale le hopole koana, o itse, “Ke lutse ke le mofumahali. Ha ke hloke letho,” Mongoaheng oa Laodisea

mono. “Ke morui ’me ke atetsoe maruo, le lintho tse joalo. ’Me, oh, lefatše lohle le khahlisoa ke ’na. Ke kereke e khōlō, e halalelang, le joalo-joalo. Re ka mokhoa *ona*,” mongoaha ohle.

171 ’Me O itse, “Athe ha u tsebe hobane u feela, sefofu, soto, malimabe, mofutsana, ’me ha u tsebe.” Ke ona maemo. Joale, haeba Moea o Halalelang o itse maemo a tla ba joalo matsatsing a qetelo, a joalo! Ha ho mokhoa oa ho e koekoetla. E lutse e le joalo.

172 Joale shebang. Joale, mohla a ne a reka ka litšoanelo tsa hae morao mono, tokelo ea bohloeki ba hae, nqa Lentsoe, o entseng? Mohla Eva a entseng hoo, o lahlehetsoe ke ’mopo; ’mopo ohle o oele tlasa hae.

173 Joale lemohang, ’me eitse ha kereke e etsa hoo, e amohela litšomo sebakeng sa Moea le Lentsoe, e rohakile tsamaiso eohle. Tsamaiso efe le efe ea mokhatlo oa bolumeli e kileng ea hlaha, kapa e tlang ho hlaha, e rohakiloe le eona, ’me e oele, kaha ho se tsela e ’ngoe.

174 Ha u phutha sehlopha sa banna, ho nahanisa ntho efe, hlooho ea e mong e ka mokhoa *ona*, ’me hlooho ea e mong e ka mokhoa *oane*, le hlooho ea e mong ka mokhoa *ona*. ’Me ba teanya lintho ’me ba e hlokoehla, ’me, ha e bitoha, ke sona seo le se fumanang.

175 Ba entse hona hoo Nicaea Council. Methodise e entse hona hoo, Presbetriene, church of Christ, le tse ling tsohle. ’Me ha ho monna, ho sa tsotelehe na Molimo o mo senolelang, u tlameha ho e ruta ho latela litokomane tsa bona, seo tumeloana—tumeloana e se buang, ho seng joalo ba u rahela kantle. Joale, le se ke la mpoella. Ke tsoa moo, lea bona, ’me kea e tseba.

176 ’Me ke sona se hlahleng hantle, ka baka leo ntho eohle e rohakiloe. Ha ho makatse ha lengeloi le itse, “Tsoang ho eèna, lōna batho ba Ka, le se ke la kenella likotsi tsa hae.” Hobane, o tliš’o...O rohakiloe, ’me o tlameha ho hlokoefatsoa ka lithohako tsa khalefo ea Molimo, hobane o rekile ka bohloeki ba hae le litšoanelo. Lea bona? Empa... Oh, khili!

177 Empa, hopolang. Ka ho bona maemo ao ohle, empa koana Molimo o tšepisitse, ho Joele 2:25, ha u batla ho e ngola fatše, “Matsatsing a ho qetela...”

178 Mohla A itse, “Se siiloeng ke bookholane, seongoane se se jele; se siiloeng ke seongoane, e—e tsie e se jele; seo tsie e se jeleng...” Ho theohela tlase feela, kokoanyana ka mora kokoanyana, e tlile ea eja Kereke ho fihlela E sa sala ka letho haese kutu. Shebang! Se siiloeng ke Maroma, Maluthere a se jele; se siiloeng ke Maluthere, Bamethodise ba se jele; ’me se siiloeng ke Bamethodise, Mapenetekosta a se jele; lea bona, ho fihlela eba kutu.

179 'Me lea tseba keng? Ha u nka libokoana tseo ka mono, tsie le seongoane, le tse joalo, 'me u li sale morao ka—ka buka, 'me u fumane. Ke seboko se le seng mekhahlelong e fapaneng feela.

180 Tšoara ntlha ea hao. Le Litiiso tsena lia tšoana! Ke libokoana tse tšoanang. Le tla e bona ha re e hotolla, ke le bolella esale joale. Ke seboko se le seng, ka linako tsohle. Liboko tse 'ne tseo; mona li 'ne. 'Me ke tseo, tseo ke ntho e le 'ngoe. Ke moea o le mong. Se siiloeng ke se seng, se jeloe ke se seng; 'me se siiloeng ke *sena*, se jeloe ke se seng; ka mokhoa oo, ho fihlela e sala e le kutu.

181 Empa Joele o itse, “Ke tla khutlisetsa, ho bolela Morena, lilemo tsohle tse jeloeng ke seongoane.”

182 Ke eng? Ebe O tla e sebetsa joang; haeba e qalile, e le antikreste, ka ho ema khahlano le thuto ea Krete, e amohetseng tšomo seabeng sa Lentsoe? 'Me haesale bahlabolli ba e otlaka lilemong, ho latela polelo ea Bibehe.

183 “Empa letsatsing la ho qetela, moletsong oa . . .” Tšenolo 10:1-7, O itse, “Liphiri tsa Molimo li tla phetheloa matsatsing a ho qetela, mehleng ea moletso oa lengeloi la bosupa.” Malakia 4, o itse O tla “Romela Elisha pele letsatsi le khopo le fihla holima lefatše, mohla A tla le chesa joaloka sebopi. 'Me o tla buetsa, le ho khutlisetsa e—e bana morao Tumelong ea bontate.” Ea mantlha, ea boapostola, Tumelo ea pentekosta e tšepisitsoe ho khutlisetsoa. Joale, e hlakile kamoo Lengelo le ka e buang. Joale e tšepisitsoe. 'Me haeba re le matsatsing a qetelo, ntho e tlameha ho etsahala. Lea bona? 'Me e a etsahala, 'me rea e bona.

184 Lemohang botriniti ba Satane. Ke motho a le mong ea tlang; ka nama feela, ho tloha ho e mong ho ea ho e mong. Le likokoanyana li sebelitse joalo, libokoana tseo, se seng nqa ho se seng, hantle feela. Nikolaitane, “antikreste oa moea.” Mopapa, “moporofeta oa bohata.” “Sebata,” diabolosi ka seqo, ka nama. A ke ke a e etsa . . .

185 Joale, le e hopole kelellong ea lōna joale, ha le ntse le e sala morao. Le tla bona bakalli bana ba nyoloha hantle ba finyella hoo. Lea bona, mona ke le takela setšoantšo. Hola nka e taka letlapeng, le ka e utloisisa betere. Lea bona, ke ntse ke shebile.

186 Pele, joale. Le hopole sena. Ntho ea pele eo a leng eona, ke “moea oa antikreste.” Johanne o itsalo. “Bana ba banyenyane, moea oa antikreste o se o sebetsa baneng ba ho se lumele.” Lea bona, ke eona ntho e neng e qale. 'Me eaba e fetoha ho kang “polelo,” mongoaheng oa kereke e latelang. 'Me mongoaheng oa kereke e latelang, ea eba “thuto.” 'Me mongoaheng oa kereke e latelang, ea “roesoa moqhaka.” Joale na ha ea totobala joaloka ha u bala hohle moo u ka balang teng? Lea bona? Lea bona, ke eo a etla.

187 Joale, pele, o bitsitsoe (eng?) “moea oa antikreste,” hoba a ne a le khahlano le Lentsoe. Ke eona ntho e qalileng hoo. Ke sona hantle se qalileng ntho eohle, e ne e le ho furalla Lentsoe la Molimo. Ha se kahobane Eva a ne a tla patlotsa Kaine tsatsi le leng. Lea bona? Ha e a hlhisoa ke eona. Ntho ea pele e lukileng ntho eohle, ke kahobane a furaletse Lentsoe. O ile a furalla Lentsoe. 'Me ntho ea pele, e lukileng bootsoa kahara kereke ea Molimo o phelang, Monyaluoa oa Krete, o ile a tlohela Lentsoe eaba o amohela tšomo ea Roma litulong tsa Lentsoe la Molimo. Mokhatlo o mong le o mong o hlahetsoe keng? O entse ntho eona eo.

188 Joale, empa ho tšepisitsoe matsatsing a qetelo A tla etsa tsela ea khutlisetso hape. Lentsoe la Morena le tla lihelo holima lefatše, kamoo A sebelitseng qalong, 'me, oh, 'me ho tla khutlisetsoa (eng?) ntho e e qalileng. “Khahlano le Lentsoe.” 'Me thaka lena le tlameha ho etsang mohla le fihlang, le tlotsitsoe ka Moea oa Molimo? O mpa feela a “busetsa Tumelo ea bana morao ho bontate.” Ke mokhoa oa Hae oa ho khutlisetsa. 'Me ha u bea Lentsoe lena, hona malulong a Lona *Mona*, Le tla etsa ntho e tšoanang.

189 Jesu o itse, “Motho ha e le oa Ka! 'Me ea lumelang ho 'Na, mesebetsi eo Ke e etsang o tla e etsa le eena.” 'Me eitse ha ba Mo kopa ho etsa lintho tse itseng, O itse, “Ke etsa feela seo Ntate a Mpontšang sona. Ha Ke etse letho Ke eso le bone, pele. Seo Ke bonang Ntate a se etsa, Kea se etsa. Ntate o sa sebetsa, 'me Kea sebetsa le 'na.” Lea bona? Ha le e bone na? Khele, e tšoana leha u bala pampiri ea litaba. Lea bona?

Joale, joale, pele, ke hona he, o fetoha “antikreste.”

190 Joale, a ke ke a ba antikreste haese ka moea. Eaba, o fetoha antikreste, 'me moea oo oa antikreste o nkile monna ea rutang tsona lintho tseo moea oa antikreste o nong o li etsa, eaba o fetoha “moporofeta oa bohata,” oa moea oa antikreste. Joale ho ka thoeng ka monna ea kahara mokhatlo? Iponete e le uena. Ha ke tseba seo u se nahanang ka eona. Ho lokile.

191 Joale, qetellong, o fetoha “sebata.” Joale bea butle, 'me re tla kena ho eona nakoaneng, lea bona. Ke hantle.

192 Joale, ereka ha botriniti ba Satane bo lutse joalo; Satane, ka linako tsohle. Satane, “moea oa antikreste.” Moea oa antikreste, ka nama, “moporofeta oa bohata.” Ebe, o fetoha “sebata.” Lea bona? Mohla...E seng ledemona, le ne le le kahara antikreste eo; empa ha Satane ka seqo sa hae a lelekoa, o a theoha 'me o nka malulo a hae moo ledemona le neng le lutse teng. Diabolosi, ke hona, ebe diabolosi o etsoa nama kahara monna. E mpa e ipheta feela.

193 Ke seo Judase Iskariota a beng a le sona. 'Me eaba o etsang? Na e be e le e mong oa mathaka a khahlano le Krete?

Khele, e ne e le ramatlotlo, ea tsamaileng le Eèna. Ruri bo. Ho tsamaea le bona hantle. Ho tsoa le leleka bodiabolosi, le ho etsa se tšoanang le sa bona hantle.

194 'Me Krete e ne e le Molimo ka nama; Molimo, ea entsoeng nama, Emmanuele. 'Me Judase e be e le mora oa tahleho. 'Me Jesu e ne e le Mora oa Molimo. Molimo ka nama; diabolosi ka nama.

195 Batho ba bang ba bona lifapano tse tharō mohlang oo. Li ne li le 'ne. Tse tharō Golgotha, tsona rea li bona. E ne e le Jesu mahareng, sesenyi leqeleng la Hae, le sesenyi ho le letona la Hae.

196 'Me le shebe. Sesenyi se seng se boleletse se seng, kapa se itse ho Jesu, "Ekare ha . . ." Joale, lea tseba hoba Ke Lentsoe. Empa, "Ekare ha U le Lentsoe, ha u ipholose keng? Ha u etse letho ka eona?"

197 Ho a itšoanela kajeno. Na ha le eso utloe bodiabolosi bana ba khale ba fihlang, ho thoe, "Ekare ha u lumela pholiso ea Khalalelo, mahlo a motho ke *ana*, hobaneng u sa ba tutubolle mahlo?" "Nkotle ka bofoku! Nkotle ka bofoku!" Diabolosi eo oa khale ea tšoanang. Lea bona? "Theoha sefapanong, re tla lumela ho Uena." "Ekare ha U le Mora Molimo, fetola majoe ana bohobe." Diabolosi ea tšoanang.

198 Tloha feela u tsamaee, ua bona. Che. Le Jesu o e sebelitse joalo. Ha A ka a soasoa le mang feela oa bona.

199 Ho koahela letsoho la Hae ka lesela . . . holima mahlo a Hae a thekothata, ka mokhoa oo. Ba tšoara thupa, ba Mo bata hloohong. Ha thoe, "Re bolelle! Ha U fèla u le moporofeta, joale re bolelle ea U batileng." Ba fapanyetsana ka thupa, ba neeletsana. "Joale re bolelle ea U batileng, 'me re tla U lumela u le moporofeta." Ha A ka a ahlamisana molomo oa Hae. A mpa a itulela mono. Lea bona? Ha A soasoe. O etsa feela seo Ntate a se bolelang, u a bona. Lea bona? Ho ba tlohela ba tsoella. Nako ea bona e a tla. Le se ke la tšoenyeha. E, monghali. Joale, ba amile seaparo sa Hae, ha ba ka ba utloa molemo oa letho.

200 Empa mosajana oa khale, ea hlokang, o amile seaparo sa Hae. A retoloha a re, "Ke mang ea Nkamileng?" Uh-huh. Ke eng? Kamo e fapaneng. E itšetlehile kamoo u Mo amang kateng, u a bona, ua bona, seo u se lumelang. Joale, u a bona?

201 Joale, joaloka ha Satane a tla . . . a ikentse nama, ho tloha ho antikreste ho ea ho moporofeta oa bohata joale. 'Me matsatsing a Mojuda, ke "antikreste," mahareng a kereke ea hosasa. Mengoaheng e lefifi, o fetoha "moporofeta oa bohata," ho lefatše. Na le 'mona mono ka "senoelo sa hae sa bokhopo"? Joale, mono ke ho mongoaha oa kereke joale.

202 Empa mohla mongoaha oo ka mora hoba Kereke e fallele Lapeng, o fetoha sebata, o fetoha diabolosi nameng, drakone e khubelu ka seqo. Oh, khili! Na ha le bone seo ke se bolelang? Ke mohla a fetohileng nama kahara batho ba

hae. O tlamme batho ba hae ka matla a hae. Moporofeta oa bohata o ile a ba porofetela hantle kahara eona. “Ho ba tlohella moea oa leshano o sebetsang ka matla, ho lumela leshano le ho ahloloa ka lona.” “Ba latolang Lentsoe; ka sebopeho sa borapeli.”

²⁰³ Molimo o sebetsa, malulong a Hae, ka botriniti. Tokafatso; khalaletso; le ho Iketsa nama kahara batho ba Hae, ka kolobetso ea Moea o Halalelang.

²⁰⁴ Ntho e tšoanang, diabolosi ke papiso feela, ea Kreste. Oh, Satane o iketsa nama. . . Joale ela hloko. Satane. . .

²⁰⁵ Jesu ha a Iketsa nama kahara batho ba Hae, bona Bophelo bo nong bo le ka ho Kreste bo kahara motho eo.

²⁰⁶ Ho etsahalang ha u hlotla bophelo ba morara o bo fepela raka la mokopu? Ha bo sa tla bea mekopu le ka mohla; bo tla bea merara. Ho ka etsahalang haeba u honya bophelo ba perekisi u bo fepela sefate sa pere? Na bo ka bea lipere? Che. Bo bea liperekisi. Bophelo bo a e paka. Lea bona?

²⁰⁷ Ha u re, u utloa batho ba itlaleha ba fumane Moea o Halalelang, 'me ba latola Lentsoe lena, phoso e teng. Ke Moea o Halalelang o ngotseng Lentsoe leo.

²⁰⁸ 'Me Jesu o boletse sena, “Ekare ha e mong a ruile Moea oa Ka ka ho eèna, o tla etsa mesebetsi ea Ka.” Na le batla ho e bala? Le batla ho e ngola fatše? Ke Santa Johanne 14:12. Yaa. Ke hantle. “Ea lumelang ho 'Na, mesebetsi eo Ke e etsang o tla e etsa le eèna. O tla etsa le e mengata ho ena, hobane Ke ea ho Ntate.” Lea bona? Ebe moo A halaletsang 'me a mo hoekisa, a tle a khone ho ema pela Molimo. Lerotholi leo la enke le oela mono, 'me le mo tšelisa khohlo. Lea bona?

²⁰⁹ Joale shebang. Satane, ha a iketsa nama kahara bahlanka ba hae, ba etsa mesebetsi a e entseng. Ha le bone na? O entseng? Ho tla hantle ho mosali ea hlokang sekoli, ho mo thetsa. 'Me ke sona hantle se etsoang ke bodiabolosi ba bang bana, ba kena nqalong ba re. . . Molisa e monyenyanane o tla qala, nqa e 'ngoe; ho kena le ho re, “Oh, hola feela u ka ikhomanya le rōna!” Huh! Huh! Ke mosebetsi oa eèna diabolosi eo. Joale, ke 'Nete! 'Me ha Satane a fetoha nama kahara kereke ea hae, ho fetoha diabolosi, ke bona ba bolaeang ba fenetha, le lintho tse joalo. Hobane, Satane ke 'molai, le ho qaleng; raleshano le e. . . Lea bona? Ke hantle.

²¹⁰ Satane o etsang ha a etsa joalo, mohla a fetohang nama hara batho? Ke mosebetsi oa hae ho ba maqiti. O maqiti. Le hlhlobe Bible, 'me le mpontše moo Molimo o kileng oa sebetsa ka batho ba hlalefileng. Ako e tsome, 'me u bone haeba kamehla batho ba hlalefileng e se bona ba kenoeng ke diabolosi. Ke lentsoe le leholo, empa ke 'nete. Ke u phepetsa ho sala e—e lesika morao, ho qala ka la Abele ho isa ho Kaine;

le, meloko e leshome le metso e mene eo, ako e hlahlobe, 'me u bone ea neng a oela ka lehlakoreng le bohlae, le ho re ba ikokobelitseng e ne e le bafe. Uh-huh.

²¹¹ Horeng Jesu a sa khetha batho ba mokhalo oo? O iphumanetse batsoasi ba lihlapa le banna ba timelloang ho ngola lebitso la bona, ho ba hloma hlorong ea Kereke ea Hae. Ke hantle. Bohlae ha se—se letho; bo—bo khahlano le Krete. Bohlae ba lefatše bo khahlano le Krete, kamehla. Jesu ha a eso re laele ho ea haha liseminari; ha A eso etse joalo; ho hlophisa likolo tsa Bibe. O itse, “Le bolele Lentsoe! Le bolele Evangeli!” 'Me eaba O re, “Mehlolo e tla tsamaea le ba lumelang ke eona ena,” lea bona, u tla tlameha ho ba le. . . Ka mantsoe a mang, O itse, “E-eang le bonahatse Matla a Molimo, ho lichaba tsohle.”

²¹² Joale shebang. Mosebetsi oa Satane ke ho khopamisetsa Lentsoe la Molimo, ho mabaka a bohlae. Oh, khili! Oh! Ebe o tsoaea bahlanka ba hae, ka ho latola Lentsoe la mantlha. Joale taba eo ke e. . .

²¹³ Na le tla—na le tla—na le tla 'mamella nakoana, ho finyella sena? Sena, ha ke batle ha le ka fosa sena. E reng ke le bontše papiso, le tle le e bone eohle ka papiso e kahara Lentsoe, le ka ntho e 'ngoe le e 'ngoe. Lōna—lōna le ke ke. . . Ha lea tlameha ho tloha le ferekane.

²¹⁴ Kahara Testamente ea Khale, enere ha ho rekiloa ka motho bokhobeng. Ebe ho fihla selemo sa ngoaha o molemo, lilemo tse ling le tse ling tse mashome a mahlano. Selemo tsa mashome a mane a metso e robong, 'me e ntano ba selemo sa ngoaha o molemo. 'Me enere ha lekhoba le utloa ketso ena, 'me a batlile ho lokoloha, ha ho—ha ho letho le ka mo thibelang ho lokoloha. A ka lahlela mohoma oa hae fatše, a re, “ho fihlela hakana,” a khutlele hae. Terompeta e ne e letsoa. Ke hantle.

²¹⁵ Empa enere ha a sa batle ho tsamaea, 'me a khotsoaletse mong'a hae oa bokhoba, o qhojoa a isoa e—e—e tempeleng, 'me ba tsoara tsenene. . . Na lea tseba tsenene keng. Ba mo tlapisa tsebe, ba phunya tsebe ea hae lesoba. 'Me ke tlapiso, e reng a ke ke a hlola a khutla. Na ho joalo? O tlameha ho sehlela mong'a hae le mehla eohle. Ho sa tsotehele na ho letsoa ngoaha e molemo makhetlo hakae, leha ho ka hlaha eng. Ruri o se—o se a rekile ka litsoanelo tsa tsoalo ea hae, tsa tokoloho.

²¹⁶ 'Me motho ha a furalla 'Nete ea Evangeli, Satane o mo tsoaea (kae?) tsebeng ea hae. O a mo kata ho se hlola a utloa 'Nete, 'me ho felile ka eena. O itšalla le sehlopha sa hae, haeba a sa utloe 'Nete. Che.

²¹⁷ “Le tla tseba 'Nete, 'me 'Nete e tla le lokolla.” Lea bona, 'Nete e a lokolla.

²¹⁸ Molimo o tsoaea ba Hae mohla ba tlang. Molimo o tsoaea ba Hae ka ho nêtefatsa Lentsoe la Hae la pallo ka bona. Ke

eona hantle, Santa Johanne 14:12. 'Me ntho e 'ngoe, ha u batla ho e ngola fatše, Mareka 16. Jesu o itse, "Mehlolo ena e tla tsamaea le ba lumelang."

219 Joale ha re nkaneng le eona, motsotso. Na ebe O ne a soasoa? [Phutheho e re, "Che."—Mong.] Na ebe O ne a tiile ka... Na ebe O buile ka baapostola ba inotši, kamoo ba bang ba ka ratang ho re joetsa? ["Che."]

220 Shebang. Balang motheo oa eona. "E-eang ka..." Kae? [Phutheho e re, "Lefatše lohle."—Mong.] "Lefatše lohle." "Le bolele Evangeli ena ho..." Eng? ["'Mopuo e mong le e mong."] "'Mopuo e mong le e mong." Esita le karolo ea 'ngoe-tharōng ha eso finyelloe. "Mehlolo ena e tla tsamaea ka lefatše lohle, ho 'mopuo e mong le e mong, hohle moo Evangeli ena e boleloang teng. Mehlolo ena e tla tsamaea le ba lumelang," e seng sehlotšoana se le seng se tlang seatla feela.

221 Joaloka mothaka ea kileng a mpoella, "Molimo o neile feela baapostola ba leshome le metso e 'meli neo ea pholiso. 'Me..." Oh! Ka hona, baena ba bangata keha ba lutse mona mohla a phahamang a rialo, lea bona. E ile ea mo khitla, metsotsong e 'maloa.

222 Ka hona lemohang joale, "Ka lefatšeng lohle, ho 'mopuo e mong le e mong, mehlolo ena e tla latela."

223 U se ke ua amohela tlapiso ea Satane ea ho se lumele. Joale, u tla u tlapisa eona bosiueng bona, haeba a ka khona. O tla u tsoaketsa pela lerako, 'me u tla tsoa ebe u re, "Ha ke tsebe letho la taba eo."

224 E-ea hae 'me u E lekolisise, u ntano tšepahala, 'me u rapele. Hobane, ntho eohle e hlile—e hlile e tsepame ho latela Mangolo a hora ena, mehleng ea hora e khethehileng ena ea nako. Ho se ho fetile lilemo, e pakiloe, e finyella sehlohlole sa eona hantle. 'Me ena ke eona hora. Ena ke eona nako.

225 'Me joale u se ke ua mo lumella ho u phunya tsebe, ka tlapiso ea hae ea ho se lumele. Lea bona? Hobane, e ne e le mosalumele, le ho qaleng. O ile a Le belaela. Ke hantle. Oh, u se ke ua lumella le... U se ke ua mo lumella ho tšoara Lengolo, ka bohlae ba hae, 'me—'me a Le sothe 'me a Le khopamise ka bohlae ba hae, ka matla a ho bea mabaka. U mpe u ikokobetse, 'me u re, "Molimo o itsalo, 'me ke phetho se leng teng." Joale, oh, ha re... .

226 Re siuoa ke nako, re ka mpa ra emisa mona 'me ra—ra qala ra tsoelapele.

227 Joale ha re feteleng ho Tiiso ea Bobeli. Eitse ha Konyana e hlabiloeng, e tsohileng e bula sena, 'me sa bobeli, Sebopuo sa kang namane, se re, "Tloo, u bone sephiri sa Tiiso." Lea bona? Joale rea se fumana. Konyana, le hopole, e tlamehile ho bula Tiiso e 'ngoe le e 'ngoe. 'Me Sebopuo sa bobeli... .

228 Ha u ka lemoha, ka tloaelo ea rōna e fetileng, kamoo re haotseng mengoaha ea kereke, ho a tšoana. Sa bobeli... Pele e ne e le tau; ho hlahlame e—e ne e le... eka namane, kapa pholo, kapa ntho e itseng, lea bona.

229 'Me Sebopuoana sena se itse, "Tloo, u bone," joale, mohla Konyana e neng e bula Tiiso. 'Me, eaba, o tloha ho ea bona. 'Me eareha a kena, ha etsahalang? Ha re boneng joale seo a se fumaneng. "Tloo, u bone." Ho na le sephiri se koaletsoeng holimo mona, se se se hlotse mona lilemo tse likete tse peli, ho batlile joalo. Ha re boneng hore ebe keng.

230 Joale mona re mo fumana a bone (eng?) ho tsoa pere e khunong. Joale, ho ea ka kutloisiso ea ka mona, ho latela kutloisiso ea ka, lerumo le lehlo lena a le fupereng letsohong la hae... Joale mona re ka sheba lintho tse ka bang tharō joale, metsotso e ka bang leshome le metso e mehlano, e mashome a mabeli. Ha re baleng feela 'me re bone seo A se buang mona. "Eaba ho tsoa..." Temana ea 4.

... ha tsoa pere e 'ngoe e khunong (ea pele e tšoeu): 'me ea e kaletseng a fuoa matla ho felisa khotso lefatšeng, ... batho ba bolaeane: 'me a neoa lerumo le lehlo.

231 Joale lipapiso ke tsena, re batla ho li shalima re le seli. Empa, ho ea ka kutloisiso ea ka, ho latela bokhoni ba tsebo ea ka joale, lea bona, Jesu o e lepile ntho eona eo ho Mattheu 24. Lea bona? O itse, "Le tla utloa lintoa le melumo ea lintoa, le lintoa feela le melulo ea lintoa, le lintoa. 'Me, le joale," ha thoe, "tsena tsohle ha eso ho be tsona. Lea bona, nako ha eso fihle." Lea bona, Jesu ba mo botsitse lipotso tse tharō. Lea bona? 'Me O ba arabetse lipotso tse tharō.

232 Baena ba rōna ba bangata ba rarahana mona, ka ho leka ho bea... Baena ba Adventists, mabapi le lintho tseo, letsatsi la bosupa le joalo-joalo, morao mono, e... "Ho tla ba malimabe ba sikileng ngoana, ba anyesang, likhoro li tla koaloa ka letsatsi la sabatha," le lintho tse kang tseo. Khele! Ebile ha amane le potso ka letho, lea bona, le ho leka. Lea bona?

233 O arabetse potso ea bona, empa ha A ka—ha A ka—ka a e lebisa eohle matsatsing a qetelo. O itse, "Le tla utloa..." Joale mona re hebisana le ntho e le 'ngoe. Re tla finyella boholo ba eona, masiung a 'maloa. Shebang. O itse, "Le tla utloa lintoa, le melumo ea lintoa, le lintho tse joalo. Le joale tsena tsohle ha eso be... Lea bona, mohlang oo ba tla—ba tla khutla, ba tla le hulela teng, le lintho tse joalo. Feela tsohle tsena, ha eso be eona."

234 Empa eitse ha A fihla moo A arabang seo ba Mo botsitseng sona, "bofelō ba lefatše."

235 "Lintho tsee li tla hlaha neneng, ke neneng mohla ho sa tl'o sala lejo? Pontšo e tla ba efe? 'Me nako ea ho khutla e tla fihla neneng, bofelō ba lefatše?" Lea bona, ba Mo botsitse lintho tse tharō.

Eitse ha A fihla teng, “Mohla bofèlo ba lefatše teng?”

236 O itse, “Etlare ha le bona sefate sa feiga se hlahisa monoko oa sona, tsebang ke hona hobane nako e monyako. ’Me kannete Ke re ho lōna, ho re, moloko ona o ke ke oa feta tsohle li eso ho etsahale.” Kamoo mosalumele, ea sa chabeloang ke tlhaloso, a ratang ho itlantla mono! Lea bona? O itse, “Moloko ona,” e seng moloko oo A buileng le oona, “moloko o boneng sefate sa feiga se hlahisa monoko oa sona.”

237 Joale ke batla ho le botsa taba. Ho tjamela feela—feela ntho e ’ngoe mona sefahlehong. Iseraele hajoale, khetlo la pele limong tse makholo a mashome a mabeli a metso e mehlano, ke sechaba. Folaga ea khale ka ho fetisisa lefatšeng e fokaela holima Jerusalem bosiung bona. Iseraele e kene lehaeng la eona.

238 Moena e mong mona o kile a batla ho tsoa boromuoa, a iikutloa ho tsoa boromuoa ho Bajuda. Ka re, “U ka fumana a le mong ka nako.” Oh, batho nahana, sechaba sohle! Che, monghali.

239 Iseraele e sokolloa e le sechaba, e seng motho. “Sechaba se tla tsoaloha ka letsatsi.” Ke Iseraele eo. “Iseraele eohle e a bolokeha.” Le hopole taba eo. Pauluse o itsalo, “Iseraele eohle e bolokehile.” Joale lemohang, “Iseraele eohle.” Ke hantle haholo.

240 Joale elelloang sena. “Empa,” O itse, “etlare ha le bona sefate sa feiga, le tsona lifate tse ling tsohle, li hlahisa menoko ea tsona.” Joale shebang. Ha ho eso fihle nako, lilemong tse makholo a mashome a mabeli a metso e mehlano, mohla Iseraele a tllileng lehaeng la hae. Re na le setšoantšo, sa *Metsotso E Merarō Pele Khitla Ea Bosiu*, lea tseba. Ke eo, ke sechaba, folaga ea Davida e ntlha li tšelelseng, e a fokaela, le lintho tsena tsohle.

241 Na ho kile ha hlaha nako eo mekhatlo ea malumeli e tšoarang litsoseletso joaloka ha ba entse lilemo tse tse ’maloa tse fetileng? Joale le e hlahlobe feela. Re lapeng.

242 Ke neng mohla mekhatlo ea malumeli e thunyang tlasa tšebeletso ea monna, jolaka katlasa Billy Graham; Bamethodise, Mabaptise, le joalo? Ke neng ho hlahileng monna, le ka fata histori ea lōna, ea kileng a etela kereke e fofo, ka lebitso le fellang ka h-a-m, pele? Ke mpa ke le botsa feela. A-b-e . . .

243 A-b-r-a-h-a-m. Joale le shebe, lebitso la Abraham diletere tsa lōna li supile, A-b-r-a-h-a-m.

244 Empa Moena Billy Graham oa rōna, o bopiloe ka G-r-a-h-am, tšelela, e seng supa. Lefatše, ke hona moo a sebeletsang teng, kereke ea tlhaho.

245 Kereke ea tlhaho, e ne e le Lota, kahara Sodoma. ’Me mohla thaka lena le theohelang tlase mono le rera, ’me le ba fofalitse ka Evangeli.

246 Empa Eo Ea setseng le Abrahama, etsoe Abaraham a Mo bitsitse, “Elohim, Morena.” Joale eitse ha Abrahama a bona banna ba bararō ba tlang, o itse, “Morena oa ka.”

247 Lota o bone ba babeli ba etla, o itse, “Marena a ka.” Phapang ea lōna ke eona eo. Na le bona mosebetsi oa lōna oa botriniti? Lea bona?

248 Jesu o itse, “Joaloka mehleng ea Lota.” Na le bona seo? Lemohang. E baleng.

249 Joale, e Mong o tlike ho Kereke ea moea, Monyaluoa, Abrahama, ea neng a se kahara—kahara Sodoma, le ho qala feela. 'Me le shebe seo A se entseng. Ha A ka a rera joaloka bona. O ba rutila, empa eaba ba etsa pontšo eo pela bona. O supile pontšo ea Messia. E le ha A file tente mokokotlo oa Hae, 'me A re, “Abraham.” Joale le hopole, lebitso la hae la nèpo, matsatsi a 'maloa pele ho moo, e be e le Abram. Empa O re, “Abraham, o kae mosali oa hao, S-a-r-a-h?” Matsatsi a 'maloa pele ho moo, le ne le bitsoa S-a-r-r-a.

Abrahama o itse, “O ka tenteng, ka mora Hao.”

250 'Me O itse, “Abraham, Ke...” Ke leo leemeli la lōna la motho hape. “Ke tla u etela ho latela tšepiso eo Ke u etselitseng eona.” Le bona seo e neng e le sona. Lea bona? Monna, ea lerole liaparong tsa Hae, a eja nama ea namane, a enoa lebesa la khomo, a eja bohobe ba koro. E, monghali. Molimo, Elohim, a bonahetse nameng!

251 Ho tšepisa, letsatsing la ho qetela, ho Iponahatsa ka nama hape! Lemohang.

“Abrahama, Sarah mosali oa hao, o kae?”

“O ka tenteng, ka mora Hao.”

Ha thoe, “Ke tla u etela.”

252 'Me mofumahali, ehlile, oa lilemo tse lekholo, a batla a itšehela; motšeo kahara tente joale, ka mora likharetene kahara tente. O itse, “Na, mosali ea holileng.” Be, ba ne ba khaolitse, joaloka monna le mosali, lilemo, lea tseba, kaha lilemo tsa hae li le lekholo, 'me—'me—'me eèna a le mashome a robong. Ho re, “Ho ke ke eba joalo.”

253 Eaba O re, “O tšehile keng?” Shuu! Athe mokokotlo oa Hae o furaletse tente, “O tšehile keng, a re, ‘Lintho tsee li ka hlaha joang?’” Lea bona, O 'montšitse pontšo.

254 Joale o tšepisitse sena se tla ipheta nakong ea qetelo, hape.

255 Ebile banna ba babeli ba theohela mono ba rera Lentsoe, ba ba bolella ho tsoa mono; nqalo eo e se e tla chesoa, le joalo. 'Me ebile ea etsoa joalo. Eaba Lota o thekesela a etsoa; kereke ea tlhaho, tlase sebeng, le kahara qhefe-qhefe, empa e sotleha kahara mananeo a bona a mokhatlo. Empa Monyaluoa . . .

256 Monna e mong eo ha a ka a tsamaea le bona. A tlohile feela 'me a bitsa mofuta oa Monyaluoa. Joale re matsatsing a ho qetela. Lea bona? Joale lemohang.

“Mono o itse, ‘Molimo, o ne a bonahetse ka nama?’”

257 Jesu o buile, ka sebele sa Hae, “Le ka Nqosa joang?” Ha thoe, “Na ho a ngoloa Bibeleng ea lōna, melaong ea lōna, ha thoe bao, baporofeta, bao Lentsoe la Molimo le ba fihletseng. . .” Jesu o itse, “Lentsoe le tlile ho baporofeta,” hobane O ne a ipapisitse le Mangolo linthong tsohle. O itse, “Joale, Lentsoe la Molimo lea bolela, ho thoe, ‘Lentsoe le tlile ho baporofeta.’ ‘Me le ba bitsitse ‘melimo,’ hobane Lentsoe la Molimo le ba fihletse.” Ha thoe, “Ebe le tla Nqosa kang ha Ke re Ke Mora Molimo?” Ka molao oa bona ka sebele, A ba hlamela lefito. Ke lōna bao. Lea bona?

258 Joale ebe re hokae? Ra nakong ea bofelo. Joale mamelang ka kelohloko joale.

259 Joale re fumana ho tla hala lintoa le melumo ea lintoa. 'Me ebile joale re bona sefate sa feiga se hlahisitse menoko ea sona. Le lifate tse ling li hlahisitse menoko ea tsona. Bamethodise, Mabaptise, Mapresbetriene, le bohle, ba hlahisitse menoko ea bona, tsoseletso e khōlō e tsoelapele.

260 Joale ke lumela hore Molimo o ntse a bokella Monyaluoa bakeng sa hora eo ea ho qetela, Mokhethoa. Oh, khili! Joale lemohang.

261 Ha re nahanisiseng joale seo Johanne a se boneng, ke hona, lintho tse na tseo a li boneng. “Pere e khunong; 'me mokalli oa eona a tsoa, a fuoa matla a ho hlaba ka lerumo le leholo.” Joale tšenolo ea ka eona ke ena. Enoa ke Satane, hape. Ke diabolosi, hape, ka sebopeho se seng. Joale, rea tseba hore—hore Litiiso li ne li lekanya. . . kamoo ke buileng bosiu bo bong. 'Me literompeta li amana le—le—le lintoa tsa bana ba thari, lea bona, hara batho, hara lichaba. Empa u fumana, mona, hore monna enoa o tsoere lerumo, ka baka leo o amana le ntoa, ea sepolotiki ea kereke. Joale le ka tšoha le sa nahane joalo, empa shebang motsotso feela, metsotso e 'maloa feela.

262 Le elleloe ha lipere tse na li fetola 'mala. Ke mokalli a le mong; feela 'mala oa lipere oa fetoha. 'Me pere ke sebata. 'Me sebata, kahara Bibe, tlasa papiso, se tsoantša matla. Eona tsamaiso eo e ntse e kaletse ka 'mala o mong, matla, e qala ka 'mala o mosoeu o hlokang sekoli ho fetoha bofubelu bo mali. Lea bona? Mo shebeng joale, kamoo a tlang kateng.

263 Mohla a ne a qala, o mpile feela, be, e ne e le thuto e sa tsebisahaleng kahara—kahara, mahareng, e bitsoa Bonikolaitanisime. Ehlike, mohlang oo e ke ke ea fenetha letho. Mono ke Tšenolo 2:6, ha u batla ho e ngola fatše. A ke ke a hlaba letho. Empa e le thuto feela, ke moea o hara batho feela. Joale, a ke ke a hlaba letho. Oh, a hlile a hloka sekoli, a kaletse

pere e tšoeu ena. “Be, lea tseba, re tla thea kereke e khōlō e eang ka bophara ba lefatše lohle. Re ka e bitsa kereke e eang ka lefatše lohle.” Ba sa ntse ba etsa joalo. Ho lokile. Lea bona? Joale, “Re ka fumana. . .” Oh, e hloka sekoli e phethahetse. ’Me, oh, e hloka sekoli bo. “Ke sehlopha sa banna feela. Re tla kopana bohle setlamong sa botsoalle.” Lea bona, e hloka sekoli bo; e tšoeu, pere e ne e le tšoeu. Lea bona?

²⁶⁴ Joale, ka hona batlotlehi, le ba apereng hantle ho feta, le barutehi, lea tseba, e batla e le nonyana tsa ’siba le le leng, lea tseba, “Re tla—re tla kopanya lintho ’moho. ’Me sehlopha seo sa bafumanehi, khele, haeba ba batla ho thekesela ’moho, be, ke botle, empa rōna—re tla re tla iphumanela sehlopha se betetšana se kenang kereke ea rōna. Hola feela re ka itšoasolla mona, re tla—re tla ba e—re tla ba sehlopha sa Masons, kapa ntho e joalo, lea tseba. Rōna re tla—re tla hlophisa lintho, kapa, re be Odd Fellows,” joaloka bona. ’Me ka hona. . . E seng Odd Fellows Lodge joale, empa le tseba seo ke se lekanyang. Leha ho le joalo, ntho eo ke mokhelo ho molumeli oa mannete. Joale, empa, ka mantsoe a mang, ka puo e ’ngoe, “Re tla ipatelela sehlotšoana, lemuloana la litabatabelo tsa rōna.” Ke thuto feela, ehlile ha e na kotsi. “Baena, khele, ha rea koetla letho khahlano le lōna, ruri lekhale. Lōna le itoketse, empa, lea tseba, re utloa hore—hore erekaha re na le likhoebo le ntho e ’ngoe. . . Rōna, re ka itokela ha re ka iketsa setlamo.” Lea bona? Qetellong ea theoha ea etsoa, e, monghali, ho ipopa setlamo.

²⁶⁵ Empa mohla moea o nyarosang ona, oa bohata (oh, monna!) o ne o etsoa nama, moea o entsoeng nama; thuto ena ea moea e ile ea fetoha nama, ho nka litulo tsa Kreste, kahara monna. E tlameha ho khumamelo, le hona, e a fetoha ’me e fetoha ntho e khumameloang joaloka Kreste. Ka mantsoe a mang, holimo koana Motseng oa Mopapa. . . Nkile ka fihla mono hantle. Ho ngoliloe, “VICARIVS FILII DEI,” ’me e ngotsoe ka lipalo tsa Seroma. Joale, seha mola tlasa lipalo tseo tsa Seroma. ’Me e bolela, “Sebakeng sa Mora Molimo.” Eèna, ka mantsoe a mang, ke lenqosa. Le tseba seo lenqosa le leng sona; ke ho nka sebaka sa ho hong. Ke lenqosa, “Sebakeng sa Mora Molimo.”

²⁶⁶ ’Me Bible e buile, “Ea nang le neo ea bohlale a bale lipalo tsa sebata, hobane ke palo ea motho. ’Me palo ea sona ke makholo a tšeletseng le mashome a tšeletseng a metso e tšeletseng.” Joale, ha u nka VICARIVS FILII DEI, ’me u seha mola, ka lipalo tsa Seroma; “V” e emetse hlano, le “I” e emetse ’ngoe. . . ’Me ha u li kopanya, bona haeba u sa fumane makholo a tšeletseng le mashome a tšeletseng a metso e tšeletseng.

²⁶⁷ Bible e itse, “O tla lula tempeleng ea Molimo, a khumamelo joaloka Molimo.” Mohla thutonyana eo e fetohang nama, e fetoha lenqosa, “Sebakeng sa Mora Molimo.” Lea bona? Oh, khili! Moea o tšabehang oo, oa leshano! Haeba u batla ho e bala, bala Bathessalonika ba Bobeli 2:3, ’me u ka e bona mono.

268 'Me, ehlile, le tla hopola hore Satane ke hlooho ea matla ohle a lipolotiki, ea sechaba se seng le se se seng. Ba e tsebang ba bakae? [Phutheho e re, "Amen."—Mong.] Na le batla ho le ngola fatše? Mattheu 4:8, "Satane o ile a nkela Jesu thabeng e phahameng, a Mo supisa mebuso eohle ea lefatše, e kileng ea theoa kapa e tlang ho theoa, ka nako le motsotso." Le bua ka motho! O itse, "Ke tla U nea eona, ha U ka nkhumamela." 'Me Jesu o tsebile hoba E tla ba mojalefa oa lona.

269 Ke sona seo ba se buang, "Khele, lōna sehlopha sa bahalaleli ba thethehang!"

270 Khele, lefatše ke la rōna! "Ba bonolo ba tla ja lefa la lefatše." Ke sona seo Jesu a se buileng. Lea bona? Lea bona?

271 Lemohang, Jesu o tsebile hobane E tla ba mojalefa oa lona, ka baka leo O itse, "Tloha ho 'na, Satane. Ho ngoliloe ho thoe," ho khutlela hantle Lengolong hape, lea bona, "U tla khumamela Morena, Eèna feela." Lea bona?

272 Joale—joale eitse—eitse ha eèna, joaloka ledemona le ka sehloohong, a etsoa nama kahara seqhobane sena, sa monna oa morapeli, ho latela bolepi ba Bibe, ke moo a tlang ho kopanya kereke ea hae le 'muso. Matla a mabeli a hae a kopana 'moho. Lea bona?

273 Mohla moea oa antikreste o neng o tsoa, e ne e le moea. Eaba o fetohang? Eaba o fetoha . . . Joale shebang Tiiso ena. Mohla moea o nong o tsoa, e ne e le antikreste, khahlano le thuto ea Krete. Ke hantle. Ntho e latelang eo a e entseng . . . Seo Krete a hlommeng Kereke ea Hae ho se etsa, E ne e le ho ema khahlano le sebe. "Oh, ha E bolele seo. Ha E bolele eona. E ne e etselitsoe motho e mong. Mono, ke morao koana lilemong tse tse lekholo tse fetileng, morao koana. Ntho eo, ha ea etsetsoa rōna." Lea bona? Ntho eo, lea bona, *anti*, "khahlano." Eaba e a fetoha . . .

274 Joale, mokalli o tsoile, a—a se na moqhaka, eaba o fuoa o mong. Pere e tšoeu eo; o ne a tšoele seqha, se se nang metsu. Lea bona? Ka hona eitseha a etsoa . . .

275 Ebile, ka mora nakoana, o fuoa moqhaka, kaha u ke ke ua roesa moea moqhaka hloohong. Empa, eitse, moea ona ha o etsoa nama mokhahlelong oa bobeli oa hae—oa hae oa lekhathe le hlolang, la mokhahlelo oa bobeli, o fetoha moporofeta oa bohata, ea roesoitsoeng moqhaka, tšebetsong ea moea oa antikreste. Joale, hona joale rea 'mona, joale. Joale o fetoha hoo, mohla a nkang hoo. Ka hona, eèna, ebile hape, Satane o se a laola matla a lefatše la lipolotiki.

276 Joale o fihla moo a bopang matla a kereke e ka lefatšeng lohle, ho hapa matla a borapeli. 'Me na ha le utloisise, baena besō, hore ho . . . Mohla sena, sechaba sena se hlaha khaolong ea 13 ea Tšenolo, phoofotsoa ena e hlahile e tšoana le konyana. Ka linaka tse peli, matla a boahi le a bokereke, empa o entse sohle se entsoeng ke sebata se tlileng pele ho eèna.

277 Ho a makatsa, palo ea Amerika ke leshome-tharō, 'me ke mosali. Ho a makatsa, e hlaha khaolong ea 13 ea Tšenolo. Re qalile ka metsero e leshome-tharō ea folaga, linaleli tse leshome-tharō. Ntho eohle ke “leshome-tharō, leshome-tharō, leshome-tharō, leshome-tharō,” ho theoha joalo. Ntho eohle ke “mosali, mosali, mosali,” ho theoha joalo.

278 Me e tla qetella, (kea e lepa), e tla laoloa ke mosali. Hopolang, ke e buile, lilemong tse mashome a mararō tse fetileng. 'Me—'me le eona e—e hara lintho tse supileng tseo ke li lepileng, tse hlano tsa tsona li se li etshaetse. 'Me hona joale ba hlomme monna mono ea tlang ho mo kenya kahare. 'Me ke lōna ba e voutelang kahare, ka lipotlotiki tsa lōna mono. Yaa. Huh! Ke hantle.

279 Li ngata tse ka boleloang, u batla u sa khone ho fihla moo u batlang. Lemohang joale. Nke ke ka le tšoarella haese nakoana hape, haeba ke tlameha ho tsoella hosane mantsiboea.

280 Shebang. Lemohang. Etlare ha Satane...Joale, mang le mang, eo, o a e lleloa hore Satane o laola matla ohle a lipolotiki tsa lefatše. [Phutheho e re, “Amen.”—Mong.] O itsalo. Mattheu khaolo ea 4, lea e fumana, le temana ea 8. Mebuso eohle ke ea hae. Ke ka baka leo e loantšanang, nto, ho bolaea. Joale hopolang.

281 Na ha e makatse? Ba filoe lerumo lena, ho bolaeana ka lona. Oh, oh, oh, khili! Lemohang joale.

282 Joale, eitshe ha a etsa joalo, o ne a eso fumane matla a bokereke. Empa o e qalile ka ledemona la thuto ea bohata. 'Me thupello eo ea hae e fetoha thuto. Thuto ebile ea fetoha nama kahara moporofeta oa bohata.

283 'Me eaba o ea sebakeng se nēpahetseng. Ha a ka a ea Iseraele, joale. O ile a ea Roma; Nicaea, Roma.

284 Lekhotla le ile la lula, eaba ba khetha bishopo ea ka sehloohong. 'Me ebile, ka ketso ena, ba kopanya kereke le 'muso. Eaba, o liha seqha sa hae. A theoha pere ea hae e tšoeu. A kalla pere ea hae e khunong, kaha a ka bolaea mang le mang ea sa lumelaneng le eēna. Tiiso ea lōna ke eo. Thaka lona leo! Mo shebeng ha a kalla a ba a fihla koana Bosafeleng, ka eona, lea bona, o teanya matla a hae 'moho.

285 Ba ntse ba leka ho etsa joalo kajeno, ntho eona eo, kajeno. 'Me ntho e makatsang, mohlomong ha le utloisise. Empa, kajeno, ho tsoa sehlopheng sa Baptise koana Louisville...Le e utloile liradiong. Sebui se ile sa ema 'me...Ba e utloileng ba bakae? Hantle. Lea bona? Ke hantle, ke lōna bana. Ba batla, 'me joale ba e kopile kahara kereke joale, ehlile ha rea tlameha joalo, oh, ntho e kang ho ingolisa kerekeng ea Katolike, empa re tlameha ho theoa setsoalle le bona. Ho fumana... 'Me, ka eona nako eo ntho eo e tsoelang pele koana Louisville, koano mona Molimo o ntse a manollela batho ba Oona Litiiso, ho e

bontša, “Le se etse joalo!” Na lea li bona ha li sebetsa ’moho? Le hopole, lekhoaba le leeba li ne li lutse holima thupa e le ’ngoe ea sehlaha, kahara areka. Ehlile. Le hopole feela.

286 Joale rea fumana, o teanya matla a hae, ebe, e re ha a fetoha ’muso le kereke, bokereke. Le tla etsang mohlang oo? O ipopela borapeli ba hae. ’Me joale a ka etsa ka boithatelo ba hae bohle. Hape, ke mohla a nang le tokelo ea ho bolaea mang le mang ea sa tl’o lumellana le eëna. Ke sona hantle seo a se entseng, hape. ’Me o entse hoo hohle hantle feela. ’Me seo a—a . . . O e entse ho bahalaleli ba makhontho ba Molimo o phelang, ba neng ba boloka Lentsoe ’me ba sa lumellane le eëna ka litšomo tsa hae. O ile a ba bolaea.

287 Joale, Moena Lee Vayle, le lōna baruti mona ba mongoaha oa Nicaea le ba kereke ea ho qala, ha ke tsebe haeba le balile taba ena kapa che. Haeba le batla ho e bala, le fumane *Glorious Reformation* ea Schmucker.

288 ’Me lea e fumana, hore, mohla Santa Augustine oa Hippo a ne a hlongoa moprista tlasa kereke ea Roma, o kile a fuoa monyetla, khetlo le leng Moea o Halalelang o ile oa leka ho fihla ho eëna, eaba o a O hana. Ba bakae ba e tsebang, joaloka mosuhe? Ka hona, o hanne Moea o Halalelang. Ke eona hantle, papiso ea kereke ea Protestanta kajeno, e hanneng Moea o Halalelang. Eaba o theoha a khutlela Hippo, ’me ke eëna ea tekenileng ntho eo ka tiiso, pampiri eo, “Tšenolo e tsoang ho Molimo, e re ho kahlile Molimo, ho bolaea mang le mang ea sa lumelaneng le kereke ea Roma e Katolike.”

289 Joale mamelang. Ke ntse ke qotsa ho bashoelatumelo, “Ho tloha mehleng ea—ea Santa Augustine oa Hippo, ho fihlela 1586,” ho latela litlaleho tsa bashoelatumelo ba Roma, “kereke ea Roma e Katolike e bolaile Maprotestanta a limilione tse mashome a tšelela a metso e robeli.” Na lerumo la hae le ne le le khunong? Na o ne a kaletse pere e khunong? E ne e le eng? Matla ona ao, mokalli eëna eo. Tiiso ke eo. Ba lumela, “limilione tse mashome a tšelela le metso e robeli,” ho latela tlaleho ea bashoelatumelo, ho sa baloe ba bolailoeng kathoko le mono. Oh, jo ’na! Mehleng ea mengoaha e lefifi, limilione li ile tsa feptjoa litau, tsa fenethoa ka mokhoa ofe le ofe, kahobane ba hanne ho namalla tlasa tšomo ea Katolike. Le tseba taba eo.

290 Le saletsoe ke nako e kae? [Phutheho e re, “Nako e ngata. Ke hantle.”—Mong.] Ho lokile. E reng ke bale lethonyana. Phetlang le ’na joale, e reng ke le bontše ho hong. Ha re—ha re takeng setšoantšo sena, motsotso feela. E tsoatsoile ea mphihlela mohopolong, ’me re tla e bala feela. Ha re phetlang ho Tšenolo, khaolong ea 17 ea Tšenolo. Re saletsoe ke metsotso e leshome le metso e mehlano. Ho lokile. Joale mamelang hantle, ka kelohloko hantle joale, re sa bala. Lōna ba tšoareng Libebele tsa lōna me le ka phetla, ke tla le fa nakona feela, hore le le fumane.

291 Na u e fumane, Lee? Ho Schmucker's ke hona moo ke e fumaneng teng, le a bona, *Glorious Reform*, e qotsitsoe ka ho otloloha ho tsoa litlalehong tsa bashoelatamelō ba Roma, mane Motseng oa Mopapa.

292 Joale, mono ke ho thehela tlase koana tlhorisong ea batho ba Santa Patrick. 'Me ba bitsa Santa Patrick mohalaleli oa bona—oa bona. Huh! Santa Patrick e ne e le Mokatolike hakaale ka 'na; lea ntseba na kea mo kakang. Lea bona? O—o ne a hanyetse thuto ea kereke. A hana le ho ea ho mopapa. E, monghali. Santa Patrick esitile... Khele, lōna, le kile la fihla Ireland Leboea, moo a hlomileng likolo tsa hae? Lea tseba hoba lebitso la hae e ne e se Patrick. Ba e tsebang ba bakae? Lebitso la hae e ne e le Sucat. Ke hantle. O ne a lahleheloe ke khaitselinyana ea hae. Le sa hopola mohla bao... Lea bona? Ho lokile.

293 Joale le lemohe, khaolo ea 17 ea Tšenolo. Joale mang le mang a leke ho bula pelō ea hae. Ho lumella Moea o Halalelang ho u ruta joale.

... lengeloi le leng la a supileng a tšoereng—tšoereng linkho la tla ho,...

294 Joale, lea bona, ho na le Linkho tse Supileng. Lea tseba, bosupa bana, ha re ntse re haola, ba etsahala ka nako e le 'ngoe; li latela Likotsi, li latela mengoaha ea kereke, ka ho tšoana, kaha ntho eohle e tiisitsoe kahara Buka e le 'ngoe eo, ntho e 'ngoe le e 'ngoe. 'Me ntho e 'ngoe le 'ngoe e etsahala e phikoloha; e 'ngoe e kena hantle kahara e 'ngoe, le e 'ngoe, le e 'ngoe. Ho na le meea e mebeli e sebetsang; Molimo, le diabulosi. Lea bona?

... a tšoereng linkho tsa ho qetela tse supileng, le tla ho 'na, la re... Tloo koano; 'me ke tla u bontša... ke u bontše kahlole ea seotsoa se seholo se lutseng holima metsi a mangata:

295 Joale shebang mona, ka mona, ntho eo, "metsi."

296 "Seotsoa," ke eng? Ke mosali. E ke ke ea eba monna. 'Me kahara kereke mosali o bapisa eng, kahara Bible? Kereke. Hobaneng? Monyalua oa Krete, le joalo; lea bona, ke mosali, kereke.

297 Joale, "metsi," a bolelang? Shebang mona. Balang temana ea 15 ea eona mona.

Eaba le rialo ho 'na, Metsi ao u a boneng, ao seotsoa se lutseng ho oona, ke merabe, ... matšoele, ... lichaba, le lipuo.

298 Kereke ena e ne e busa lefatše lohle, lea bona, "E lutse holima metsi a mangata."

Seo marena a lefatše a febileng le sona, mafebe a moea (o inkela thuto ea hae, thuto ea Bonikolaitane), le ba ahileng lefatšeng ba tahiloeng ke veine ea maotsoa a sona.

299 Moshanyana, le bua ka sehlopha se tahisitsoeng, ke eona! Lōna . . .

La nkisa feelleng ka moea: 'me ka bona mosali . . .

300 'Me na le tsebile taba? Lingoloa tsa kereke ea Katolike lia lumela hore ena ke kereke ea bona. Ba tsebang hoo ba bakae? Hantle lingoloeng tsa bona. Ke tšoere *Facts Of Our Faith*, e bitsoa, joale, lea bona; ke ea moprista a inotši. Ho lokile. Ho lokile.

'Me la nkisa feelleng ka moea: 'me ka bona mosali ea lulang holima sebata se apereng oa sekareleta, se tletseng mabitso a bonyefoli, se nang le lihlooho tse supileng le linaka tse leshome.

301 Joale le shebe papiso eo feela, papiso eo, ea "lihlooho tse supileng." Joale mona le bona moo e itseng, "'Me e—'me e—'me e . . . Lihlooho tseo u li boneng ke maralla a supileng ao mosali a lutseng holima tsona." Roma e lutse holima maralla a supileng. Lea bona? Joale ha ho phoso ka eona, lea bona, "Lihlooho tse supileng." "Le linaka tse leshome," lea tseba, ke mebuso e leshome, le joalo-joalo.

Mosali eo o ne a apere purapera . . . e 'mala oa sekareleta, . . . a khabile kahara gauta le mahakoe a bohlokoa . . . liperela, letsohong la hae o ne a tšoare pitsa ea gauta e tletseng manyala—manyala a litšila tsa bootsoa ba hae:

302 Moea oo oa antikreste, "bootsoa," lea bona, "thuto," ho feba le Molimo. Lea bona? Joale, eka khona ebe Monyaluoa, lea bona; 'me o a feba. Lea bona? Joaloka Eva ha a entse, joaloka ha kereke e etsa mono. Lea bona?

Ho ne ho ngoliloe hloohong ea hae, lebitso le reng, SEPHIRI, BABILONA E MOHOLO, . . .

303 'Me mang le mang o a tseba hore, "BABILONA" ke Roma.

. . . 'MA LITOTSOA LE A MANYALA A LEFATŠE.

304 'Me joale le mamele temana ea 6.

'Me ka bona mosali eo a tahuoe ke mali a bahalaleli, le ke mali a lipaki tsa Jesu: 'me ka makala ka makalo e khōlō, ha ke 'mona.

305 E ne e le nthoana e ntle, e khabile ka lifapano le ka eng le eng! "Ebe a ka ba molato oa ho noa mali a bahalaleli joang lefatšeng?" Ea hla ea mo makatsa. Joale O tli! o mo bolella.

Lengelo! la re ho 'na, U makaletseng? Kea u bolella sephiri sa mosali, le . . . sebata seo a se kallang, . . .

306 Joale, taba ena ha e tlasa e 'ngoe ea Litiiso. Ena ke ntho esele, lea bona.

'Me la re...lihlooho tse supileng le linaka tseo tse leshome.

Sebata...o se boneng se ne se le teng, 'me ha se eo; se se se tla nyoloha sekoting (ha ho motheo, mopapa), se tla ntoo ea tahlehong: 'me ba ahileng holimo lefatšeng ba tla makala, bao mabitso a bona a sa kang a ngoloa bukeng ea Konyana ea bophelo, (Bakhethoa ke bao, lea bona), haesale lefatše le theoa,...

307 Joang, ebe lebitso la hao le ngotsoe neng Bukeng ea Bophelo? Mohla o nong o etetse tsoseletso? Che, monghali. "Haesale lefatše le theoa."

...ha ba bone sebata hobane se ne se le teng, ...ha se eo, athe se teng.

308 Lea bona, "sebata," e mong o tla shoa, e mong a lule litulong tsa hae. "Ea neng a le teng; o ne a le sieo. Ea neng a le teng; o ne a le sieo. A le teng; o ne a le sieo." 'Me se ntoo ea tahlehong, ka mokhoa oo. Lea bona? Ho lokile.

Ke mona—ke mona ho hlokoang kutloisiso e nang le bohlae.

309 Ba tsebang hoba lineo tsa moea li robong ba bakae, e 'ngoe ea tsona ke bohlae? [Phutheho e re, "Amen."—Mong.] Ho lokile.

Lihlooho tse supileng ke lithaba tse supileng, tseo mosali a lutseng holima tsona.

310 Oh, e tla ba u foufetse phoufalo, 'me u tsebetutu u bile u semumu, haeba u sa e tšoare. Lea bona? Ho lokile.

...ke marena a supileng: ho se ho oele a mahlano, e mong o sa le teng (Nero), 'me...e mong sa tla tla; etlare hobane a tle, o tla ba teng feela ho se hokae.

311 Le sa hopola seo a se entseng. O chesitse motse, eaba o bea Bakreste molato. A nto kallisa 'mè oa hae pere a pholletsa literata. 'Me a letsa fiole, ka eona nako eo Roma e ntseng e tuka. Ho lokile.

Sebata se neng se le teng, se seng se le sieo, sona ke morena oa boroba meno e le 'meli,...

312 Roma ea bohatene ba bopagane, e ile ea kenya Roma ea mopapa. Mohla moea oa antikreste ka nama o nong o etsoa nama, 'me o roesoa moqhaka, eaba o hlongoa morena oa Roma ea nang le moqhaka, holima 'muso le kereke, 'moho. Oh, moena! Lea bona, e tletse eona feela. Lea bona?

...ke...bosupa, 'me eèna o ea...(O tsoella nako e kae? Ha ba fetole tsamaisa le ka mohla)...koana tahlehong.

... Linaka tse leshome tseo u li boneng ke marena a leshome, a esong ho nke morena mebuso; a mpa a tla amohela matla a borena hammoho le sebata ka hora e le 'ngoe.

313 Bao ke babusanosi, lea bona, ehlile. “Ba khopolo e 'ngoe.” Joale shebang mona. Ha e bue ka bokomonisi. Lea bona?

Ba khopolo e le 'ngoe, 'me ba tla neela sebata borena le matla a bona.

Ba tla loantša Konyana, empa Konyana e tla ba hlola: kahobane ke Morena oa morena, le 'Musu oa babusi: 'me ba nang le eèna ke ba bitsitsoeng, ... bakhethoa, le balumeli.

Eaba le rialo ho 'na, Metsi ao u a boneng, ao seotsoa se lutseng ho oona, ke merabe, ... matšoele, ... lichaba, le lipuo.

... linaka tse leshome tseo u li boneng ho sebata, li tla hloea seotsoa, 'me selekane seo sea robjoa... (Ke buile ka sona maobane bosiu.) ... li se felise li se hlobolise, li je nama tsa sona, 'me li se chese mollong.

314 Na ha le tsebe hobane Bible e bua ka bahoebi ba likepe, le ntho e 'ngoe le e 'ngoe, ha thoe, “Jo 'na, jo 'na, motse o moholo oo! O timetse joang ka hora e le 'ngoe!” Lea bona?

Hobane Molimo o kentse lipelōng tsa bona ho phetha morero oa oona, le ho lumellana, le ho neela sebata mebuso ea bona koana, polelo tsa Molimo li tle li be li phethehe.

... mosali eo u 'moneng ke motse o moholo, o busang marena ohle a lefatše.

315 Mpoelleng o le mong. Rashia ha e buse holima bohle. Ha re buse ntho eohle. Morena o mong feela ea busang ho hong le ... joaloka tšepe eo ea Nebukanesare e haolang menoana eo eohle. Eo ke Roma. Roma ha e sebetse joaloka sechaba; e tseba ho e sebetisa joaloka kereke. Sechabe sefe le sefe tlasa leholimō se habile Roma.

316 Ha ho makatse ha ba itse, “Ke mang ea ka etsang ntoea le eèna?” A ka bua a re, “Khotso,” [Moena Branham o thanya monoana oa hae hang—Mong.] ho lutse ho le joalo. Mokatolike e mong le e mong o re, “Ke ho re, ‘U se ke ua loana,’” 'me—'me ha ba loane. Ke phetho. “Ke mang ea ka tsebang ho etsa seo a ka se etsang?” Ha ho e mong. Ke hantle. “Ka baka leo ba makalla mehlolo eo a khonang ho e etsa.” A ka emisa ntoea. [Moena Branham o thanya monoana oa hae hang.] O tlameha ho etsa ho le hong feela ke ho re, “Khaotsa.” Ke phetho. Empa le nahana hore a ka e etsa? Ruri lekhale.

317 Lemohang, ruri hoo ho supa, “Hore ba bolaeane. Hore ba bolaeane.” Seqha sa hae se ne se hloka metsu, qalong, empa “lerumo le lehola” la hae le khonne. O ile a bolaea, hamorao, ho fetoha ho tsoa ho pere e tšoeu ho ea ho pere e khunong; ka ho tšoana, ka nêpahalo, diabolosi, ka lerumo la hae.

318 Jesu o itseng? Jesu o itse, “Ba tšoarang lerumo ba tla timetsoa ke lona.” U se ke ua khutlisetsa ntoa. Lea bona? Jesu, bosiu boo mohla A ne a bua, o itsalo, ‘me Petrose o ne a ntšitse lerumo la hae. Lea bona? Le Mo etsise feela, tsoelapele feela.

319 Joale, joale le hopole, o tšoare lerumo. O a tsoa, ka lerumo letsohong la hae; o kaletse, pere e khunong, o qaputsa maling a mang le mang ea sa lumelaneng le eëna.

320 Joale na ebe lea utloisisa? [Phutheho e re, “Amen.”—Mong.] Ba utloisisang seo Tiiso eo e leng sona ba bakae joale? [“Amen.”] Ho lokile. Joale, ebe Jesu o itseng? “Ba tšoarang lerumo ba tla timetsoa ka lerumo.” Na ho joalo? Ho lokile. Ho lokile. Mokalli enoa le bahlanka ba hae bohle ba ’muso ba ntseng ba hlabaka ba theoaha le mongoaha, ba tšolotseng mali ana a bashoelatumelo ba bahalaleli, ba tla hlajoa ka Sabole ea Jesu Kreste mohla A tlang. “Ba tsoelang lerumo ba tla timetsoa ka lerumo.” Ba ile ba tsoamula lerumo la tšomo le la antikreste, eaba ba khethula, barapeli ba mannete, ba makhontho mengoaheng eohle, limilione tsa bona. ‘Me mohla Kreste a tlang a tsoamutse Sabole, kahobane e le Lentsoe la Hae le tsoang molomong oa Hae, O tla hlaba sera ka seng se ka pela Hae. Lea e lumela na? “Ho boalea sera.”

321 Ha re phetleng mona motsotso feela, Tšenolo. Re tla bona joale haeba ke rialo feela, kapa haeba Lentsoe le e bolela. Tšenolo 19:11.

Eaba ke bona leholimō le buloa (amen), 'me ha hlaha pere e tšoeu; 'me ea e kaletseng holimo o bitsoa Motšepeli le oa 'Nete, o ahlola o loana ka ho loka.

Mahlo a hae...ke likhabo tsa mollo,...'me hloohong ea hae...meqhaka e mengata;...

322 Oh, moena! Lea bona, O se a roesitsoe moqhaka ke bahalaleli ba Hae, lea bona.

...o na le lebitso le ngoliloeng, le sa tsejoeng ke motho, haese...eëna feela.

323 Hopolang, ha re—ha re khone, ha re le tsebe, lea bona, hore ke lefe. “Me o apere...” Ha re boneng.

O apere seaparo tse takiloeng ka mali: 'me lebitso leo a bitsoang ka lona (e seng “ke,” empa “bitsoa”) Ke Lentsoe la Molimo.

324 Hoba, Eëna le Lentsoe ba bang. Lea bona? Joale lemohang, ha se “mabitso a Hae.” Uh-huh! “Lebitso leo A bitsoang ka lona ke ‘Lentsoe la Molimo.’” Le tseba Lebitso le le leng feela; ha ho lebitso le leng.

Makhotla a leholimōng, a leholimō a mo latela a kaletse lipere tse tšoeu, a apere lene e ntle e tšoeu, e hloekileng. (Hoo ke ho loka ha bahalaleli. Lea bona?)

325 Joale shebang. Jesu o itseng? “Ea tšoarang lerumo. . .” Ho lokile, mokalli oa pere e khunong, mona o tla fihla mona. “Ea tšoarang lerumo. . .” Ekaba o bolaile limilione tse mashome a tšeletseng a metso e robeli tsa bona, ho theoha le mengoaha ena, ho tloha mohlang oo; li ka feta moo. Empa Jesu o itse, “Ea tšoarang lerumo o tla timetsoa ka lona.” Shebang.

Sabole e bohale e tsoa molomong oa hae, . . .

326 Baheberu, khaolo ea 4, e boletse, “Lentsoe la Molimo le feitsa ka bohale sabole e leolitsoeng ka nqa tse peli, lea hlaba le ee ho kena mokong oa lesapo.” ’Me E etsoa keng, Lentsoe, le etsang? “Le ahlola mehopollo ea pelō.” Hantle.

. . . sabole e bohale e leolitsoeng ka nqa tse peli e tsoa molomong oa hae. . . sabole e bohale, a tle a otle lichaba ka eona: o tla li alosa ka lere la tšepe: ’me ke eèna ea tla hatisa sehatelong sa veine le ea khalefo ea Molimo o Matlaohle.

’Me o na le lebitso le ngolioneng seaparong le seropeng sa hae, MORENA OA MORENA, LE ’MUSI OA BABUSI.

327 Joaloka baikhakanyi, khahlano le Lentsoe la Molimo, le kahobane ba sa ka ba lumellana, ’me ntho ena. . . Satane o beile, o teantse matla a lipolotiki ao a neng a tšoeu, le matla a moea ao a neng a tšoeu, ’moho, eaba o hlophisa kereke e haolang e kena sechabeng se seng le se seng. ’Me o bolaile limilione tse atisoang ka limilione. . . hoba a tšetheme pere ea hae e tšoeu, o ile a hloella pere ea hae khunong, eaba o tšoara lerumo la hae o a tloha.

328 Empa Molimo o itse, “Eona Ntho eo a khopamisitseng ka eona, kapa eo a lekileng ka eona, ka thuto ea leshano; lona Lentsoe leo le tla tsoha ka matla, le tsoa melomong ea Jesu Krete, le tla mo hlaba, hammoho le sohle se emang pela Hae.” Amen.

329 Tiiso ea Bobeli ke eo. Lea Mo rata? [Phutheho e re, “Amen.”—Mong.] Oh, khili! Hoo ke HO RIALO MORENA. [Phutheho e nyakalla haholo.] Ho bokoe Molimo! Efèla ha litšeno tse ling tsena, le lipono, le eng le eng, li otlile hantle feela holima e—holima letheba! ’Me ba e tsebang ba bakae? Phahamisa letsoho la hao. Makholo, mang le mang mona, ba phahamisitse matsoho a bona. Ke hantle. Le Ena e tla ba joalo! Hopolang, e joalo. Oh, motsoalle!

Tloo Selibeng se tletseng Mali,
A montsoeng metsong ea Immanuele;
Ba’libe ba qoelang leqhubung leo,
Ba lahla likoli tsohle tsa molato.

330 Tloo, lumela ho Eèna, haeba u eso etse joalo. U se ke ua hakanya feela; u se ke, u se ke, haeba ntho e le teng bophelong ba hao, motsoalle.

331 Re fihlile. Ntho e mothating oa ho etsahala. [Moena Branham o kokota hane sefaleng—Mong.] Ha ke tsebe hobaneng. Ha ke tsebe neneng. Ke tseba se tlang ho etsahala, feela ha ke tsebe mohla se tla etsahala. Empa se tlamehile, hobane O ntse a se senola hona joale. Ha A etse letho A eso le tsebise. Amose 3. O e tsebisa, pele. 'Me lintho tsena O li tšepisitse ho hlaha matsatsing a qetelo. 'Me mongoaha oa kereke ea bosupa, qetellong ea ona, hoba moromuoa a fihle, e tla hlaha. E tla senoloa, Litiiso tse qhaqhiloeng tseo li tla senoloa, 'me ke Tsena. Joale, mono ke ka Lebitso la Morena. E lumele, motsoalle. E, monghali. Tsoa Babilona!

332 Ke batla ho bua taba pele ke koala. Hobane, ke na le . . . Ke se ke batla ke entse mashome a mararo ka morao ho robong. Hona joale hantle ke nako.

333 'Na le Billy, eitse ha re theoha sefofane, koana India, leetong la rōna la ho qetela mono. Ke ne ke shebile e—e pampiri, e tlisitsoeng e ngotsoe ka Senyesemane. 'Me ea re, "Thothomelo ea lefatše e tšoanetse e be e fetile; linonyana lia khutla." Eaba e lokolisa lintlha. Bao . . . Mohlolo o ne o hlahile.

334 India ha ea haha marako a lohiloeng a kang a rōna. Ba thonaka majoe, ba haha marako a bona. Le matlo a bona bongata a hahiloa ka majoe, ba a bea mono feela. 'Me mono ho futhumetse, ka mathoko, oh, nqa efe, haufi le teng, koana India, haese ha u hloele lithabeng. 'Me hohle tlase Calcutta le libakeng tseo, batho ba rapalla literateng feela, ba bolaoa ke tlala, le lintho tse joalo.

335 Joale, ka hona, matlo a bona a hahiloa litoreng, tsa ntlu ea a bona. Ba mathisa e—e marako hantle mona, maphakong a ntlu ea bona. Ntlu ea bona ba e hahela tora, 'me tora e batla e le haufi le moo ba chekileng seliba. Ba le chekela likhomo tsa bona le lintho, ba nto se koalooa ka marako.

336 'Me, eaba hang, ho etsahala ho hong. Linonyana, lea tseba, li kena majoeng ana, li haha lihlahla li holisa malinyane a tsona. 'Me eaba ntho e qala e etsahala.

337 Letsatsi ka leng, ha ho chesa, likhomo tsohle li phutheha li ema meriting ea marako ana; ho ipholisa.

338 Le linonyana tsohle li itulela linqalong tseo. 'Me, eaba hang feela, linonyana tseo tsohle, ka lebaka le sa tsejoeng. . . Joale, le tseba seo re se buileng tsatsi le leng ka linonyana. Lea bona? Ka lebaka le sa tsejoeng, tsa baleha. 'Me tsa phurutseha, tsa hana ho khutlela lihlaheng tsa tsona. Tsa tsoela naheng, tsa itulela lifateng, le hohle moo li ka lulang, kapa hantle holima mobu.

339 Likhomo tsa hana ho atamela. Linku tsa hana ho atamela. Tsa itulela naheng koana, tsa hamarelana. E sebetsoa joalo. Li tsebile hoba ntho e mothating oa ho etsahala.

340 Eaba, hang feela, thothomelo ea lefatše e a otlala, ea heletsa marako, le mabota, le ntho efe le efe.

341 Eaba linonyana li qala li khutla. Li sa ka tsa khutla ka matsatsi a mararo kapa a mane; eaba li qala li khutla. Ba re, “Be, thothomelo ea lefatše e tlamehile e be e fetile joale; linonyana li a khutla.”

342 Hobaneng? Lea lumela ona Molimo o susumelitseng linonyana tseo le linku, matsatsing a Nohe, ho kena arekeng, E sa le Molimo o ka li fofisang pabalong? Na ho joalo? [Phutheho e re, “Amen.”—Mong.]

343 Joale e re ke bue taba, moena. Ntho e mothating oa ho etsahala. 'Me lilohali tsena, tsa marakohali a khale a bokereke li tliil'o theleha, li oele morao ka seetsee, li lumellane. Hobane, li tliil'o etsa joalo, ruri joaloka ha ke eme mona. Se teng “sentšoantšo sa sebata seo,” ruri joaloka ha ke eme mona; 'me sechaba sena se se amohetse, ho latela Lentsoe la Morena. Mamelang, haeba o utloa maikutlo a manyenyane ao, a hlollang, sutha marakong ana. Baleha! U tla shoella kahare ka mono. U se ke ua etsa joalo! Tsoa ho eona! Suthela hole le nyee ena eohle! Titimela polokehong, ka potlako ea bokhoni ba hao. Kopa mohau oa Molimo.

344 U se ke ua amohela, ntho e itseng feela, “Be, 'mè e ne e le Methodise, ke kholoa le 'na ke tlamehile. Papa oa ka e be e le Baptise; ke tla ba eëna.” U se ke ua etsa joalo. U se ke ua—u se ke ua hakanya feela.

345 Ha ke tsoetelle kamoo E shebehang e le tlase e ikokobelitse; Ke Lentsoe la Morena. Balehela ho Jesu Krete kapele kamoo u ka khonang, 'me u lule mono Molimo a be a u tlatse ka Moea oa Hae o Halalelang. Hoba ho tla fihla hora eo u tlang ho O batla, 'me O tla be o le sieo. Ka baka leo, etsa bonnete ba ho etsa joalo.

Ha re inamiseng lihlooho tsa rōna, nakoana feela.

346 Ntate oa Leholimō, oh, ke—ke feela, ka linako tse ling, Morena, ke ema mona 'me—'me kea tlakasela. Ke hopotse hora e nyarosang eo e ntseng e atamela, 'me ke... Ha ho mokhoa oa ho e khina. E ne e balloe ho fihla. 'Me eaba ke nahana ka ntho eo, “Hobaneng batho ba sa kene 'me—'me—'me ba mamela? Le hobaneng ba sa tle ho E amohela?” Empa, ehlile, kea tseba hore—hore U—U itse ba tla sitoa, ka hona ba tla sitoa.

347 Empa ba teng bao mabitso a bona a ngoliloeng Bukeng ea Bophelo ea Konyana. 'Me etlare ha Litiiso tseo li phetloa li buloa mono, ba bona lebitso la bona mono, 'me Moea o Halalelang o buisana le bona. Ba tla. U ke ke ua ba thibela; ha ho ea ka khonang, ha ho e mong. Ba tla, leha ho le joalo, hobane U ba tsamaisa joaloka ha U tsamaisitse linonyana tseo, le linku le likhomo. Ke Uena Molimo! Liphoofole tseo

li loheletsoe semelo, lia tseba hore li tšoanetse ho baleha! 'Me eřela haeba semelo se loheletsoeng, sa phoofolo, se ka e hlabela mokhosi ho baleha kotsi, ebe Moea o Halalelang o tlameha ho etsang ho Kereke e ipitsang e tlatsitsoeng ka Oona!

348 Molimo, re hauhele. Re tšoarele bohle, Morena, likhaello tsa rōna. Ha rea ikemisetsa ho ema sefaleng sena re emisa batho pela marako, mebele ea bona e opa, ebe re ba qhalanya re ntse re re, "Be, e utloahala e thabisa haholo." Morena, re batla ho etsa ho hong ka eona. Rōna, re batla U hlahlobe lipelō tsa rōna. Phoso ha e le teng, Morena, re tsebise joale. Ka kopo se re lumelle ho fihla horeng eo, koana, mohla nako e seng e fetile. Ntlahlobe. U nteke, Morena.

349 Mona, ke ema mona ka mohau oa Molimo, ke shebile Litiiso tseo ha li buloa koana, 'me kea tla, ho bolella batho. Athe, U e baletse ho hlaha ka mokhoa ona, liveke tse fetileng. 'Me joale, Ntate, Ke ena, ka pela rōna hantle.

350 Joale, Morena, nteke. Ntlahlobe. Nteke, pelōng ea ka. Morena, ha re. . . Rōna, re batla U shebe kahara maphelo a rōna. Haeba ntho e le teng ka mono, e sa lokang, bua le rōna feela, Morena. Re batla ho e lokisa, hona joale; hona joale, Seliba se tletseng Mali se sa fumanoa, e—e semonyolli sa bolichi bo ka hlatsoang libe tsa rōna le ho se lumele bo sa le teng. Re batla ho qoelisa meea ea rōna eona; ho se lumele hohle ha rōna. Molimo, thusa ho se lumele ha rōna; ho tlōse hohle ho rōna, Morena.

351 Re batla ho fua mohau o hloibilang. Re batla bokhoni, mohla Sealuma se mohlolo seo se lumang koo, 'me Kereke e nyolloa, re batla re be re itokiselitse ho E amohela. Morena, aba sena.

352 Re leke, Morena, ka Lentsoe la Hao. Re lumelle ho sheba kahara Lona. 'Me haeba re ipona re hlolehile. . . Ha ba le teng mona, Morena, ba kolobelitsoeng ka litlotla tsa lebitso; ba sa tsebe letho ka kolobetso ea makhonthe, ea mannete! Nke ke tšepahale joaloka Pauluse. . .

353 Eitse ha a haola le mabopo a holimo a Efese, a fihlela barutua ba hlabang litlatse, ba hoeletsa, ba thabile monyakeng. A re ho bona, "Na le amohetse Moea o Halalelang haesale le lumetse?" Keha ba sa o tsebe o le teng. A re, "Joale le kolobelitsoe ho eng?" 'Me keha ba kolobelitsoe ke moporofeta ea tlotloang eo, ea halalelang, feela ba kolobelitsoe pakong. Eaba ba boela ba kolobetsoa, ka Lebitso la Jesu Krete. Eaba Pauluse o ba laela ho kolobetsoa, bocha.

Morena, ka Leseli la Lentsoe la Hao!

354 Ke laela mang le mang, ea sa kolobetsoang ka Lebitso la Morena Jesu Kreste, ho akofa a ea metsing, ka lebelo, monyetla oa hao u sa le teng.

355 Uena ea sa tlatsoang ka Moea o Halalelang; ke u laela, ka Lebitso la Morena Jesu Kreste, ho oa ka mangole a hao. U se ke ua tsoha ho fihlela Moea o Halalelang a u halalelitse ka botlalo a u tlatsitse ka lerato la Hae le moèno; hoo moea oa hao o khotsofala hakana ka pela Sefahleho sa Molimo, hoo takatso ea hao eohle e leng ho Mo sebeletsa le ho tsamaea le Eèna, le ho sebetsa le Eèna, bophelo ba hao bohle.

356 Aba sena. Ke rapela Molimo ho u abela taetso ena, ka Lebitso la Jesu Kreste.

Kea Mo rata, kea Mo rata
Hoba A nthatile pele

Na le hlile lea Mo rata? Joale phahamisang matsoho a lōna.

Le ho lefella poloko ea ka
Fateng sa Kalvari.

357 [Moena Branham o binela *Kea Mo Rata* ka marameng—Mong.] E mong ea lutseng, a utloa tlhoko ea bosung bona, a utloa a hloka ho kolobetsoa, kapa a hloka kolobetso ea Moea o Halalelang. U tseba tlhoko ea hao; u e senoletsoe, 'me u batla ho hopoloa thapelong. Ha ho mang oa rōna ea ka u fang Eona. Oh, re ka u kolobetsa. Empa, ntho e le 'ngoe feela, ha re ka ke ra u fa Moea o Halalelang. Molimo o etsa hoo, a inotši. Empa u utloile tlhoko ea hao, e reng Molimo o buisana le pelō ea hao, hore u a E hloka, u batla re u hopole thapelong. Na u ka ema, re tle re u tsebe, na u mang? Molimo a u hlohonolofatse. Tlhoko? Morena a u hlohonolofatse.

358 Kea kholoa lekholo le mashome a mahlano, mohlomong, ba emeng mona. Ho ka ba joalo, ha nka ba bona kaofela. Ha ke tsebe ba ka liphaposing, le kantle, ba phahamisitseng matsoho a bona, le joalo-joalo. Empa u a hloka.

Joale ha re rapeleng.

359 Joale, uena ea bonang batho ba emeng pela hao. 'Me ba eme e le lipaki, ka pela Kreste, "Ke—ke—kea U hloka, Morena. Kea U hloka. Kea—kea tšepa ke—ke e mong oa ba tla fumana lebitso la la ka le ngoliloe ka morao ho Tiiso eo koana, le beiloeng Mono esale lefatše le theoa. Ntho e 'ngoe e chabetse pelō ea ka, 'me ke eme, Morena. Na ke 'na? Na U ntse u mpitsa? Ke batla hore U senole, ho 'na, lebitso la ka Koana. Ntlatse, u ntiiseletse kahare ho Uena, ka Moea o Halalelang." Uena ea seng a tiiselelitsoe kahare, ke batla u phahame. U retolohela

ho bona, u ba bee matsoho, ho ba rapella. [Moena Branham o a thola-thola.] Joale u tšepahale ka ho shoelella. [Phutheho eohle e qala e rapela—Mong.]

³⁶⁰ Ntate oa Leholimo, ka Lebitso la Morena Jesu, lumella Moea o Halalelang o moholo ho haola holima letšoele lena, eka moea oa sefefe, ho hlabela pelō ka 'ngoe mona mokhosi, Morena. Le ho romela kolobetso ea Moea o Halalelang, holima batho bana.

'Me ho hlophisitsoe metsi.

³⁶¹ “Eare Petrose a sa bolela mantsoe ana, Moea o Halalelang oa theohela holima ba utloang Lentsoe, 'me bohle ba tlala Moea o Halalelang.”

[Phutheho eohle e tsoelapele ho rapela—Mong.]



TŠENOLO EA LITHISO TSE SUPILENG
(The Revelation Of The Seven Seals)

Melaetsa ena e leshome e reriloeng ke Moena William Marrion Branham e hlahisitsoe ka Senyesemane ka Hlakubele 17 ho haola ka Hlakubele 24, 1963, mane Branham Tabernakele, Jeffersonville, Indiana, U.S.A., eaba Tsii o Ea Bosupa e ntshetsoa ka Hlakubele 25 mane Sherwood Motel. Ka mora ho fumana litepi tsa mantlha tse hlakileng le tse sekolokoto, Melaetsa ena ea boela ea raloa ka tšobotsi ea joale. Boikhathato bohle bo entsoe ho fallisetsa Molaetsa o builoeng ho tsoa khatisong ea teipi ea makenete ho isoa leqepheng le tlantsoeng. Phetolelo ena ea Sesotho sa Boroa e ngotsoe mona e sa khaoloa ke ba Voice Of God Recordings.

Litokelo tsohle bukeng ena li babaletsoe. Buka ena e ke ke ea rekisoa, ea tlangoa bocha, ea fetoleloa lipuong lisele, kapa ea sebelisoa ho qela matlole ntle le tumello e chaeletsoeng ka lengolo ea William Marrion Branham Evangelical Association.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org